


青城詞



青城詞序



楚蜀爲天下之險山與衍而嗟峨水滌洩而揚波人磊落而英多以故古之才人生于斯土與出而仕于斯土者跡相錯項背相望也大都山川之險與文心之險激射映發而後造化之奇秀闢焉吾友魏青城先生初仕而得蜀再遷而得楚其自蜀而歸也余詢錦江玉壘無恙否杜甫浣花草堂尚存乎李文饒籌邊樓與夫楊雄司馬相如之故宅有陳蹟可訪乎則曰蕪沒盡矣其自楚而歸也則云李白酒樓辱于酒人矣元次山廣燕亭

孟浩然鹿門故居與夫屈宋之遺風杳不復見惟大蘇之雪堂隆中之抱膝約略僅有存者都非故物矣因愴然歎息乃出其詩餘一卷示余曰此余游蜀楚時所得其餘則從燕市酒壚游者亦間入一二焉關河猶昔風景已殊有令人愴然以懷高吟而不忍寘者子其敘之余受而卒讀見其綿延幽冶秀色撩人時而排蕩雄竒驚魂奪目文心之妙真有與山川形勝相似者近世填詞家不曰秦柳則曰辛劉然琢句妍麗者往往不協于律而考律精核者又自然之趣寡求其匠心獨裁體兼

衆製如魏子者未之見也魏子字子存字之字曰青城青城發源岷嶓爲道書第五洞天今稱之者不忘蜀也

同里年家弟錢繼章拜手序

自序

予十四五歲時從先大夫於曹氏塾與顧菴兄弟同學
舉業之暇先大夫教之爲詩間讀花間草堂諸體心竊
喜之顧未能工也嗣後詩壇文社往往有所酬唱終爲
制舉所格其有韻之言成卽棄去迨申酉江左鼎沸屢
遭兵燹生平詩文雜稿俱不可問矣亥子丑寅間家居
寓感歎之音出門紀憑吊之什片紙寸帙間有存者迨
庚子入蜀凡耳目之所覩記山川之所登涉半以長短
句述之至于浮湛金馬贈答爲多憔悴荆湘諷詠襟見

皆如候蟲時鳥自鳴其志不問工拙亦不欲以工拙問人耳諸稿並置廢篋中都無詮次昨歲秋日錢子飲光慨然謂予曰子於一切世好都能澹忘但我輩詩文亦一生性情所寄也奈何竟湮諸塵土乎予時復有荆南之行舟中旅次蕭寂無事感錢子之言先簡所存長短句手爲編錄得三卷我老矣筆墨結習未忘倘有正我者或尚能棄其故技與諸君問旗亭詩價也

青城山人魏學渠自識

青城詞 卷之一目錄

小令

如夢令 二首

長相思 一首

相見懽 一首

生查子 第一體 二首

浣溪紗 五首

歸國遙 一首

菩薩蠻 五首

訴衷情 第四體 二首

卜筮子 第一體 二首

巫山一段雲 一首

後庭花 一首

添字昭君怨 一首

醜奴兒令 二首

減字木蘭花 三首

好事近 二首

謁金門 三首

柳含烟 一首

憶秦娥 第二體 二首

清平樂 三首

一落索 一首

誤佳期 一首

更漏子 一首

丹州亭 一首

甘草子 一首

阮郎歸 四首

畫堂春 三首

錦堂春 二首

海棠春 一首

武陵春 二首

山花子 三首

眼兒媚 二首

朝中措 一首

桃源憶故人 二首

三字令 一首

太常引 一首

柳梢青 三首

陽臺夢 一首

應天長 一首

惜分飛 一首

憶漢月 一首

月中行 一首

西江月 第一體 三首

少年遊 第一體 二首

少年遊 第二體 二首

燕歸樂 一首

雙調荷葉盃 一首

偷聲木蘭花 一首

滿宮花 一首

烏夜啼 一首

留春令 第一體 一首

思遠人 一首

河傳 第一體 一首

醉花陰 三首

南歌子 二首

望江東 一首

尋夢草 一首

探春令 一首

雨中花 第一體 二首

青門引 一首

醉紅粧 二首

紅窓聽 一首

怨王孫 一首

河傳 第七體 一首

杏花天 一首

雨中花 第二體 二首

紅牕睡 一首

雙調望江南 二首

浪淘沙 五首

雨中花 第三體 一首

鷓鴣天 十首

虞美人 三首

玉樓春 四首

木蘭花令 三首

南鄉子 第三體 四首

鵲橋仙 三首

醉落魄 三首

夜遊宮 一首

踏莎行 三首

小重山 三首

惜分釵 一首

臨江仙 第二體 一首

臨江仙 第三體 三首

共計一百五十九首

共指一百五十九首

詞五首 第一首

詞五首 第三首

小重山 三首

詞五首 一首

齊微宮 一首

詞五首 三首

滿江紅 三首

詞五首 三首

木蘭外令 三首

南漢子 四首 第三首

美人 三首

王對案 四首

雨中 一首

詞五首 十首

青城詞 卷之一

嘉善魏學渠撰

小令

如夢令

春晚

雙燕銜泥雨重百舌啼晴風送芳艸起征煙一騎銀鞍
花擁如夢如夢春落桐陰公鳳

愁思

葉襯紅橋野渡寒逗綺閣庭樹莫學繡鴛鴦繡出單飛

白鷺日暮日暮金剪斷絲無數
長相思

秋怨
曉山青曉風輕黃菊丹楓送客程
長亭復短亭柳邊
城蓼邊汀葉葉秋聲和雁聲
清霜點髻明
相見懽

過皖口

皖江又值深秋看吳鈞煙水連天
孤蓬掛浪頭雲黯
黯風瑟瑟棹遲留疎柳斜陽
笛裏出紅樓

生查子

第一體

湖上

山中一夜雨湖上春波足
並蒂藕開花花底鴛鴦宿
蘇小門前路舊艷矜新目
何代無紅顏有箇人如玉

東閨情
繡陌試東風連夜長
青草惆悵捲珠簾鏡裏紅顏老
半報道碧桃開片片
添新惱猶爲薄情人偷向絲幢禱

浣溪紗

次顧菴韻壽龐文茲五十
風除障來更見

笑傲雲煙閱歲華
畫闌簾捲逐風斜
朝來更見棗如瓜
樓擁百城午夜酒
座延三益
雨前茶隣園
晝靜鳥聲
譁

北舍南樓兩地偏
春風秋月共詩箋
恰逢知命閨芳年
車馬江千尋逸老
芝蘭堦下遶神仙
辟疆池艸正芊

芊

山中自皖口至潯陽水勢益大蘆地俱成巨浸

江上平蕪水拍天
浪高屋脊少炊煙
綠楊樹杪出檣竿
是處釣磯漁父占
行來高壠稻孫偏
蘆花遶邨水衡

錢

閨情

聽唱新詞損翠蛾
柔肌猶自怯輕羅
朝來攬鏡奈愁何
後夢不如前夢好
無情猶勝薄情多
東風日夕長春

波

又

笛裏吹來帶落梅
捲簾風細月徘徊
車聲門外似殷雷
淚臉露桃紅未斷
顰眉烟柳碧初裁
一春愁鎖侍兒

猜

歸國遙

霍丘道中

風初肅蚤辭村店鷄聲逐人語聽來初旭小橋流水淥
十畝閒閒修竹遠山青斷續茫茫古道眠犢黃梁炊
已熟

菩薩蠻

無題

落紅滿院春風冷朱簾月碎梧桐影粧薄鬢雲殘香凝
窈窕間梨花一樹雪柳帶千條結愁夢慘難成起看

參斗橫

秦淮聞箏

金陵城外江楓冷一絃一柱月移影驀地黯魂銷綺情
咽六朝檀槽風雨並秋意催人領纖手弄嬌嬌餘音
緩落潮

秋閨

玲瓏絲藕抽難盡水紋縐處西風緊細雨浴鴛鴦江花
滿渚香紅橋雙槳急髻躡羅裙溼迴首隔汀洲橫波
一寸留

春閨

玉銜金勒青驄馬
驕嘶繫向垂楊下
朱戶繡帷空
蘭心誰與同
鳳皇盤蜀錦
釵落頗黎枕
夢醒覺孤眠
烏啼曉露寒

又

海棠花雨西園暮
麝煙鸞珮飄香霧
小婢罵東風
春泥踏作紅
衫籠肌雪軟
翠袖香篝煥
望遠不分明
閒調銀字笙

訴衷情

第四體

雪霽汎洞庭湖

暖風消雪汎滄浪
萬頃寫湖光
當日鈞天曾奏
漁唱破微茫
訪社橘掛斜陽
夢荒唐
一帆岫雨兩艣
溪烟直上瀟湘

芝蔴港泊舟閒步

一行垂柳住人家
小婦鬢堆鴉
挑起酒帘還坐
菱角雜魚蝦
沿綠岸數雲帆
話桑麻
秋聲浙瀝秋意
悲涼無限蘆花

卜算子

第一體

留春

芳草遍天涯花信驚殘了風剪荼蘼映臉紅留得春多
少深院一鶯啼如豆青梅小簾幙重重不放愁暝色
高樓悄悄

春思

梳洗弄粧遲鈿雀歌金葉斗帳朱衾銀蒜垂尋夢隨鴛
牒楊柳已如絲香閣愁雲壓輕捲珠簾半上鈎杏雨
粘飛蝶

巫山一段雲

秋日倩扶過訪
綵舫蓮塘駐珠簾柳帶侵相逢憶別更沉吟明月兩鄉
心琥珀浮金盃珊瑚膩玉簪鈿蟬銀鴈壓朱衾絃索
惹秋陰琥珀光倩扶
所貽名釀也
後庭花

秋思

楚山楚水悲秋客霜濃露白烟外鷺鷥沙上迹悲來疇
昔藕花蘋葉香狼籍波深幾尺明月高樓當此夕有
人憐惜

人添字昭君怨

昔秋潮蕙葉香
秋潮蕙葉香
蘭棹逡巡極浦
知雪浪頭津鼓
縱然無雨類瀟湘
落花香柳帶飄搖
似曲似葉帆腰
畫舫相逢隔水采芙蓉
暮雲重

醜奴兒令

風情

丁香未坼芳先吐
昵翠羞紅
遶勒東風
新燕雙雙
細雨中
畫簾聚綬低垂影
陌上初通繡閣
重逢柳帶心絲

綰結同

閨情

朱闌曲檻春光晚
忽聽鳴禽
清淚沾襟
折柳長亭
直至今
舊巢燕子新來乳
試拂瑤琴一餉
沉吟小院苔封
鎖恨深

減字木蘭花

潮平如掌
兩岼蘆花
瑟瑟響遙
露青峰
鶯外霞飛
一線紅
斜陽帶雁
最是愁聲
聽不慣
帆落風徐
柳下人家

半賣魚

平渡江

雲濤萬頃白鷺晴空流素影瓜步人煙點點漁船古廟

邊粉塘如練蘆管輕吹醒酒面落日帆迴帶得六朝

秋色來

春情

深深庭院放得鶯來春色賤獨上高樓一道紅塵躍紫

騮柳堤煙接夢起魂凝疑是蜨門掩黃昏淡艷梨花

印月痕

好事近

二月望後三日九江阻風用蔣子雲韻

疎樹夕鴉飛千里孤帆初落煙霧匡廬如許憶修篁池

閣風風雨雨過潯陽楚望還同昨記得琵琶亭下慣

青衫飄泊

不秋閨

珠露滴金盤兩岬蘆花一白銀漢迢遙帶水便紅墻真

隔添黃帖翠弄粧遲螺黛宜秋色剛近月明三五照

愁痕凝碧

青城言
八
謁金門

紅葉
南飛雁催得青林色換幾樹丹霞風裏顫
畫秋光一半不是艷陽繡甸淚雨年年紅
濺纖手拾來呵紫硯新題勻綵翰

五月雨
榴花暮吹出滿園紅雨燕子飛來簾外語
碧陰生一縷輕暖輕寒難護珍簟香篝成
霧夕照弄晴芳草路點點流螢度

江上蘆花

青溪渚秋漲一江荻水兩岼蕭蕭兼楚楚
晚涼生遠杵茅屋漁翁舟艤肯載客愁延
佇落葉西風驚鴈起愁更添如許

柳含烟

垂官渡拂長條蘇小門前萬縷佳人爲眼
又爲腰惹魂銷斜日龍池更帶雨那禁粘
天飛絮三千殿脚競春風錦帆中

憶秦娥 第二體

蜀宮故址東
東風咽摩訶殿閣紅明滅紅明滅參差苑柳杜鵑啼血
棠梨開遍愁時節杏梁舊燕逢人說逢人說滿身花
雨漢家宮闕

春情

憑欄處枝頭有箇黃鶯語黃鶯語綠愁紅怨訴春將去
小園香徑飄花絮斜陽一道收殘雨收殘雨雨送春
往奈留愁住

清平樂

刺繡

簾飄花瓣生怕韶華散纖手輕描紅藥綻留取春光一
線好將幾縷柔絲閒摹鴛翼雄雌金剪難挑百結針
神無奈停時

秋曉

美人愁絕斷鴈驚簷鐵和露和烟殘夢瞥回憶春前初
別樓東曉日橫塘霜林葉幻蒼黃昨夜螢流蛩語那
堪更理新粧

鄂渚某帥出家伎演劇是從京師席上舊見者

內家粧束記得人如玉驀見周郎眉語簇莫遣閒情願

曲人脂香蓮感蕙柔當筵無不風流魂斷長安月下橫

波一寸新秋

一落索

春閨 綠絲柔絲問草露與秋金更蝶淋百絲掛

夜夜鶻啼楮葉空房人怯朝來徐步落花風剛露鴛踪

半捻幽徑飛來榆莢遊絲烟接焦紅衫映綠羅裙香

惹一雙蝴蝶

誤佳期

閨情

花滿驛亭香淺恨翠啼紅宛轉碧城十二曲闌干送落

英無笑銅漏莫嫌長銀燭偏愁短含情孤坐慣眠遲

好夢終難選

更漏子

春閨

羅幃卷粧閣曉開得海棠多少香徑北菱池東鶯啼一

片紅玉搔頭花蔽膝窄地裙遮鴛跡眉黛淺額黃輕

橫波無限情

荆州亭

荆南憲副王鳴石席上

雄楚樓前落葉法護風流持節一箭墜雲鴻昨日貂裘

看獵舞出尊前絳雪歸踏層城明月縷鱸搗金螯恰

是新篘酒熟餽莫兼具幾歡融愁欲含青紙坐對知

甘草子香對外學部珠安轉轉幾十二曲闌干幾

秋思

秋色月冷紅綃夢溼紗窗碧黃菊冒霜開笑西風無力

兩岬蘆花連夜白指銀漢清淺空隔羅襪行來幫窄

窄玉珮凌波擲

阮郎歸

閒愁

雕闌曲檻雨絲絲棠花三兩枝樓中歎息盡簾低含情

知為誰羅袖薄曉風吹殘紅踏作泥梁間雙燕語斜

暉阮郎歸不歸

題畫

清江山遠夕烟霏松風一路遲詩翁携杖小橋西繁花

開短籬 舟似葉樹如萍雨中雙鷺飛模糊空翠溼雲
低幽香沾客衣

秋海棠

秋來春思剩紅綃娉婷臉暈潮輕寒拖艷不勝嬌此時
魂暗銷 沾玉露灑金飈芳姿帶雨饒芙蓉臨水水平
橋幽人韻並高

春暮

新開嬌杏透簾櫳含愁憶箇儂飛來輕絮貼金蟲流鶯
啼斷紅 朱幔冷翠鬟鬆韶光郎處逢一庭濃艷付東

風芳心隨蝶踪

畫堂春

秋柳

舞腰無力向西風裊枝啼露朦朧絲絲縷縷做秋容老
却丹楓 听艸同憐蘆荻江花留伴芙蓉當時攀折正
春濃夢斷青驄

高柳春望

東風吹雨過平川弄晴玉剪飛還漢宮春思入蒼烟碧
艸粘天 皓齒明眸不見新蒲細柳依然五陵無樹對

青山一路啼鶯

東風秋聲

高樓暝色與雲平誰家偷弄銀箏西風初試粉香城葉

葉聲聲簾外新添蛩語烟中偏肅鴻翎枕前聽碎不

分明總恨飄零

詩云鴻雁于飛肅肅其羽蓋寫聲也

錦堂春

春閨

繡摺裙拖曳綠叢頭鞋子編紅臉波微送春心去寶袂

汗酥胸戲打鶯窠乍見閒尋蝶路偏逢桐陰翠綬猜

人到一陣落花風

風情

翡翠雙描鸚錦芙蓉百摺蟬紗小屏舊掩瀟湘雨幽思

落琵琶蝶舞翠翹旖旎蟲銜金粉天邪無端女伴春

相問雙頰暈朝霞

海棠春

雨中海棠

黃鶯小院啼晴晝雨浙瀝紅潮微皺寶鴨流蘇煥鈿雁

焦桐溜日一枝淡艷新粧影瘦消得嬌嬈僂憇花福趁

花神明日還依舊
武陵春

宮怨

過盡昭陽初日影
小立倚簾櫳
誰賦長門句
未工團扇
起秋風
報道羊車別院去
同夢憶飛蟲
雲想衣裳花
想容雁柱泣殘紅
似葉漁舟蘭棹
纖日照一溪
紅拋得鈎緝
有徑通未許
碧雲封
鷄犬人家秦漢路
香氣絳綃濃
却笑桃花誤

客蹤再至不相逢

山花子

閨情

珍簾生紋枕玉琴
柳濃花澹怯登臨
江外橫波流未得
住春心
梁燕晨飛簾影碎
金猊夕炷篆烟侵
疎雨一
園春夢濕漫搜尋
雲髻輕盤膩玉纖
雀釵裊處翠痕添
曉氣浸花香未透
捲珠簾
畫黛尚留郎
撰稿開奩有喜妾私占
好事都

拋閒錦瑟不曾拈

邨居春晚

風捲輕雲碧四垂
美晴燕子掠平池
天艷薔薇紅滿樹

緩春歸
柳掛斜陽鶯穩坐
梨粘朝雨蝶遲飛
惟有此

情人不解落花知

眼兒媚

閨怨

冶郎生性好尋遊
不是覓封侯
娉婷市裏翠
薺樓畔到
便淹留
願為鄉里
一生休無事
惹閒愁
隴頭餽
餉壚

邊滌器不數風流

南史稱夫
妻為鄉里

夏夜

園林長日一蟬鳴
綠藻與橋平
殘粧浴罷梧桐影
碎茉莉香清
沉瓜浮李向山亭
蕙幄展桃笙
追涼池上一
輪飛兔兩點流螢

朝中措

黃鶴樓懷古

長江波湧閣凌空
山勢欲爭雄
黃鶴曾飛鴈
渚赤烏舊
紀吳宮
東西一望殘陽疎
雨魚鱗
梵鐘橫笛人歸何

處年年叫斷秋鴻
空山殘照
桃源憶故人

閨情

錦帷夢斷金爐燼
漏得西風陣陣感
損雙螺翠褪羞向
菱花問
銀燈背帳啼
新恨淚眼從今難
俊天有涯時
還近人遠曾無信
空向山亭蕙
蘭風林葉
吹土一

春怨

棠梨雨散東風陌
一夜枝頭如滌
催得春歸何處教
落紅狼籍
雙雙蝴蝶飛無力
應為殘英添
瘠夢裏有人

長憶辜負他憐惜

三字令

春愁

花漸盡日曛
隴鎮東風
蝦鬚卷繡帷
重步搖歌
雲鬢躡
任飛蓬
歡一去
畫樓空
為誰容
化綵蝶
落金蟲
夢中人
醒時
別看螺峰

太常引

乍別

雕鞍金勒紫騮鳴
筭真箇別離輕
臨去又叮嚀
驛路風

霜幾慣經 昏鴉晨雁山青水碧都是寫深情却恨酒
能醒南浦寒煙逗月明

柳梢青

旅思

水落平沙飛來塞雁聲到窓紗蛩語斜陽鴉翻墜葉秋
在蘆花磯頭一縷殘霞權停處籬落人家白露催寒
青衫驚濕况聽琵琶

本意

繡閣闌干斜拖金縷尚織輕寒遊女香車王孫寶馬人

在湘烟天涯芳草同閒腸斷處纖手偏攀掠燕藏鴉
新黃舊綠送盡紅顏

宮怨

花鎖千門昭陽日暖燕語溫存采綠烟輕采繁風軟春
去無痕萬般惆悵誰論空冷落霓裳舊恩鸞鏡休粧
鳳衾羞整獨立黃昏

陽臺夢

護花

海棠亭北春風悄紅英一半沾芳草司花侍女惜香深

莫將花放老 金鈴輕囑付切要周旋兩好枝開並蒂
獲宜先休警相思鳥

應天長

春雨

高樓試望平蕪溼潤到春衣添麝夕畫簾垂金縷澀杜
宇啼來南又北 落紅粘飛絮襲時近黃昏風急珠淚
春江一色東去無消息

惜分飛

本意

鳥重雙飛魚比目私繡並頭鴛褥記得温如玉別離容
易縈心曲 陌上行來聊采綠昨日金錢虛卜誰說風
流足風流却費人拘束

憶漢月

西咏明妃

絕代佳人如霞薄命難邀君盼紅顏原自在瑤臺却數
丹青罪案 未央明月裏便變出琵琶清怨年年青塚
泣西風秋色漢宮一半一天恁乘鸞來去掛風采萬象
月中行

旅月

冰輪澄碧過南樓冷浸一天秋乘鸞來去桂風柔萬象
久雕鏤 嬋娟依舊倚銀屋偏客在楚尾吳頭曉霜吹
落夢中愁河漢自西流
西江月 第一體
新聞姬人手孟夏自家北來

執戟浮湛薊北佩環冷落江南青簾白舫柳穆穆恰是
風柔日暖 紅藥初開舞蝶黃梅未綻眠蠶山川曾在
夢中諳只記夢長路短並更

漫吟次山谷韻

櫻笋年年作供羊求日日相過釣翁一笠點清波只許
樵青伴我 有酒莫愁雨阻看花那怕雲攔高懷不共
落紅殘儘看蝶迴蜂散

荊州謁關夫子祠

當日逸倫風節兀然鎖鑰荆門春秋大義耻三分吳魏
開基並閩 銅爵雄圖漸歇赤烏霸業難論鬚眉百世
見斯人髣髴雲旗留恨
少年遊 第一體

別恨

一枝嬌杏透牕紗
潮臉暈檀霞
荳蔻香含丁香瓣
結淺笑按紅牙
少年輕別佳時節
留住且停車
半晌懽情十分離緒
歸燕日初斜
漢川舟次
一帆風細與雲平
早發趁殘星
柳下農家磯邊漁舍寒
杵江楓冷烟臯何處采香蘅
倚棹見山青
千里湘流半篙荻雨
無數旅人情

少年遊

第二體

卽事

雨過重陽柳橋月
小殘雁送新涼
幾日晴川三旬沙市
無夢聽更長
秦箏寫盡離人意
風急近瀟湘
嶺接吳雲江連越水
畢竟是他鄉

雪夕

絮舞高樓瓊飛深院
鶴語凍香城
銅爵雲遮金猊烟煨
珠閣出銀箏
聽來春在溫柔裏
重幙覺寒輕
寶枕銜犀朱衾添麝粉
雨膩紅燈
燕歸梁

擬艷

家住青溪學采藍
玉麗珠摻自矜明艷
素肌纖全消金粉
香奩屏山紅影
深深院花時羅襪
雙尖朝雲一縷
押輕簾誰傾國
盡無鹽

雙調荷葉盃

春遊

柳帶新烟欲織無力
天艷倚風柔明眸
一寸剪成秋淚
滴水雙流
翠蓋擎花
漱艷菡萏
舊郎馬鎮隨
伊船牕紅影
隔輕絲
緩棹送斜暉

偷聲木蘭花

初夏

綠陰亭子池邊閣
千尺琅玕初隕籜
水面荷花歷落水
盤新剖瓜
追涼槐影流螢
度艷質携來
從此住
月出墻東
荇藻交橫
小院中

滿宮花

題仇十洲漢宮春曉圖

未央春鵲鵲院
寫得宮娥星粲異
香聞氣不知名
叫落輕綃
重玩
整金鈿
牽繡幔
一片花光零亂
玉簫親見

玉人拈髻鬢聽來清怨
烏夜啼

眉州

水淺波紋皺颭山晴嵐翠空濛青驄白袷眉州路小雨

荔枝紅 熊耳峰頭石笋青衣渡口芙蓉文章絕代蘇

家擅大雅屬黃公

山谷刻杜子美兩川詩于石堂名大雅

留春令

第一體

浣手繡觀音

買絲繡佛焚香稽首柔荑防膩圖一幅妙麗莊嚴活寫

出鷲哥翅

暗祝瑤瓶似妾郎似楊枝媚春風常在手

中吹莫辜負梅檀侍

思遠人

珠簾靜夜驚

飛葉夢斷高樓月低飛鳥鵲凍吟蟋蟀憶

箇人拋撇

新愁都做秋聲聒理亂絲千結倩塞雁傳

書教郎如面莫似江鱗劣

河傳

第一體

春曉

一春花好小院雲晴畫簾新曉垂楊烟織綠沉紅悄道
子規來了長溝流月波聲杳風縹緲魂趁遊絲繞借
問落英多少似雪中鴻爪

醉花陰

清明

梨花如雪飄鴛鴦听草風前皺翠幙鎖深情羅襪花陰
又踏青時候燕子將雛喧永晝賺得雙眉鬪休說鬧
愁人粉褪香殘蝶影同消瘦

秋眺

大江東去寒波急鴈影拖雲溼何處哭英雄蜀道荆門
戰氣橫潮黑雨岫烟嵐秋意索一卷離騷色和露采
芳籬帝子湘君黃鶴樓中笛

武昌九日

細雨輕雲迷遠岫正是重陽候寒雁渡瀟湘春去秋來
離別今年又子頃以仲春東歸武昌烟樹還依舊醉把黃花

醉無奈客愁多橫笛高樓人影和花瘦

南歌子

秋曉

月落青苔院風過赤葉樓香疑繡幄下簾鈎正是獨眠
 人起不梳頭景物經秋澹心情到別柔梧桐一葉露
 新流昨夜燒香鈿合未曾收

丙午五日

投黍沾菰綠栽榴映日紅珠簾朝捲不禁風記得浴蘭
 蓄艾故鄉同日綵縷祈長命桃符禳百凶當年競渡苑
 流東盡說盡船簫鼓宛游龍

望江東

閨情

雙槳偏舟桃葉渡猶記別時低語深閨夢裏迢遙路半
 是三春風雨鴛鴦買卦無憑據只恐爻辭多誤楊花
 自難拘住悔煞金鞭輕與

尋芳草

本意

陌上青青處鬪不盡麗人釵股好名兒偏愛王孫古平
 蕪織情如許嫩綠已銷魂那堪見和烟做雨繞天涯
 催得斜陽暮東風裏羅裙妬

探春令

梅

晴雲霽雪試東風
 庚嶺韶光早看冰肌素面新粧曉
 知是玉人頭道
 西園花信傳青鳥
 隔紗牕窈窕疎枝瘦
 影自清芬
 羌笛聲裏春情悄

雨中花 第一體

同錢爾斐巖燭朱子殷過爾玉別墅

屋後桑陰人遠門外榆烟書擁水閣清風迴廊落月小
 鳥松閒呀呀移石栽杉花作供好羨君家伯仲看綠樵
 紅悴燕泥舊壘淒絕西州夢

初至武昌使署久不得家信

小院芭蕉新綠簾外清泉盈菊向午槐陰樹梢啼鳥何
 必絲兼竹雨過青巒渾似沐自笑先生首蓓夢到白
 雲邊落紅剩紫春水紋成縠

青門引 盡留幾縷漁漁

何小閨怨 玉團團綠風愛飛六背離手對來外更盡

繡閣輕陰冷針線慵拈自省關心昨夢暗尋思珠簾不
 捲雨過飄殘杏消愁有酒搖釵影酒到愁邊醒那堪
 密約多半無憑猶向迴廊等

醉紅粧無憑曾向風流等

醉紅粧無憑曾向風流等

隨星帶露慣飛颺映珠簾入畫堂坐人衣上晚風涼身

倚小太輕狂團團紈扇愛流光倩纖手撲來忙更揣

郎歸明月盡留幾點照鴛鴦

本意陳深春水綠如煙

尋花鬪草餞春光聽提壺花未央彈碁打馬且飛觴夢

裏債醉時償紅潮微暈惹思量新笏短舊愁長軟怕

人扶喚怕問眠未得驪殘粧

紅窓聽

絃索

珠院梧桐移月影憐今夜吹簫人迴錦瑟塵封尋艷曲

閣繡裙重整細語雙鬟先煮茗再休道離鸞別鵠風

疎雨冥思歸引好有日調笙並

風怨王孫

和漱玉詞

陌上春晚鶯啼小院新柳黃消遠山青斷歸信前日空

傳見飛綿殘英片片香還惹情難捨倚遍闌干也黃

昏盡閣人悄繞臉紅斜數燈花

簡文詩云繞
臉傳斜紅

河傳 第七體

本意

風流天子錦帆遊戲三千花底長安鐘鼓等閒拋已矣
銷魂甘李是 水調歌成宮徵換影紋院雲雨誰傳箭
夜何其柳如絲難持生憐來夢兒再村

杏花天

春情

玉樓初日花如錦携膽瓶輕將花浸愁多易撇頗黎枕

驚道腰圍似沈 珠簾外嫩涼清沁吟子夜洞簫嬾品

春風願作芳郊草坐軟香羅衣袵

雨中花 第二體

昨夜高樓聽細雨早見得烟絲成縷殘夢五更飛花千
片都被東風誤 蘭棹相將桃葉渡應記取桃根勤護
雙黛蛾眉一鈎鴛屐着意憐樊素

七夕大雨

聞道鵲橋初就了猛聽見銀河瀉倒一葉桐秋七襄錦

粲佳會從來少
天若有情天亦老
怎阻得雲軒縹緲
乞巧才人穿針嬌女和雨焚香禱

紅牕睡一

本意

輕捲蝦鬚細裊裊
烟春色裏香凝燕寢玉痕一縷紅潮
透記昨宵歡飲
翠幙重重寒欲禁似柳帶三眠三起
偎人越恁鬢鬆釵墜惹蘭膏膩枕

雙調望江南

本意

江南好春色老芳叢
燕掠平蕪梅子雨鶯啼香路杏園
風溪水碧痕重
江南好秋氣歛青峰
霜葉紅於花二月銀濤白似雪
三冬河渚泛芙蓉

又

江南好東冶趁香車
邀笛步留三弄曲穿針樓養六朝
花碧影透窓紗
江南好勝事不須奢
纖手剖香霜後
橘麗眉鬪韻雨前茶
沽酒箇儂家

浪淘沙

憶昔

銀蠟映牕紗一縷明霞裙拖微露月纖芽犀枕紅侵潮
 暈淺錦瑟親拏寶袂繫胸斜澹艷笄珈重重翠幙曉
 雲遮今日尋遊如夢裏花月誰家

竹亭秋旅

山外起秋風碧水溶溶半塘明月出疎鐘壁立劍池霜
 欲曉來問英雄點石記生公夢醒吳儂一江楓冷館
 娃宮蕭寺人歸絃管歇目送飛鴻

戊申初秋陸子冰修南還以浪淘沙葉闕留別吳
 子興公余是夕夢中得寄語南湖之句遂足成之

秋雨動微寒客意盤跚鴛鴦水畔釣魚竿夢裏先知歸
 去好行矣加餐陸賈整雕鞍吳質愁單天涯遊子畏
 憑闌寄語南湖鷗與鷺人漸還山

由浦口取道滁陽不及尋醉翁豐樂之勝

雲樹暗金陵多少長亭一曲驪駒茅店聞十八盤來山
 色裏知是行人十八盤山名昨日渡江津今夜荒城偏舟
 匹馬路平分咫尺勝遊心蚤嬾畫角黃昏

晚秋荊州懷古

千里落征帆斜日龍山三分當日倚荆南遺恨吞吳謀

未老輕擲雄髯
黃葉舞清潭
細雨廉纖
劉郎浦外水
痕
冰鳥奕神光
何處所試問
巫咸

雨中花

第三體

乙酉暮春聞金陵時事志感

半壁臺城花似繡
記得六朝明月舊
問莫愁佳人無愁
天子幾是愁時候
芳樂苑開連玉漏
漠漠蔣陵雲覆
只天麗臨春風流
邀笛賤把江山售

鷓鴣天

春雨

細雨廉纖翠欲浮
柳煙堤外弄絲柔
一枝殘杏連人瘦
百莖幽蘭入夢愁
寒繡幌倚粧樓
啣泥玉剪凍花郵
從今怕向長干望
催起春波擁淚流

村居

繡甸香風樂事奢
逍遙曳杖過新畬
高涼古刹娑婆樹
爛爛溪頭薺菜花
處士柳故侯瓜
遊蜂趁午鬧窗紗
釣竿休攬鴛鴦睡
恰伴山樵到酒家

初夏

荷葉如錢貼野塘
梧桐新乳晚風涼
口噙紅豆無端恨

手摘青梅別樣香
嫌小婢恁檀郎
低持紈扇儘思量
流螢幾點墻頭過
樹影參差月半床

春遊

紫陌尋春走鈿車
輕移羅襪倩裙遮
淺深綠黛雙描岫
明滅紅衫一縷霞
釵卸雀髻堆鴉
多情怕拾籠頭花
自憐不及携筐女
未解閒愁學種麻

題美人閨碁觀荷

池上新蟬咽柳絲
薰風雨過數殘碁
爲爭虎踞分圍急
看浴鴛鴦應劫遲
慵理鬢倦談詩
藕花香動水生漪

憑郎國手誇無敵
輸與兒家別出奇

贈歌妓

南國娉婷絕代人
海棠妖艷雪精神
琵琶塞曲嫌淒怨
別按紅牙嬌上春
從乍見便情親
飄零憐我尙風塵
剪燈潛結鴛鴦社
粘得湘川一縷雲

未句寓
姬小字

贈歌妓

倩倩

十五良家籍主謳
嬌移箏雁半含羞
西園北里何曾見
盡說盧家有莫愁
歌扇底舞伊州
果然端正又風流
身輕願向雕梁語
莫鎖春深燕子樓

閨情

垂柳籠烟春岸長
嬌多恩重暗神傷
香凝曉簟羞單影
花近高樓怕夕陽
描翡翠畫鸞凰
拈針仍誤作鴛鴦
東流江水脩鱗杳
重檢來書字幾行

春閨

玉樓歌吹細隨風
乳燕雙飛花霧中
罨畫橋陰搖斷碧
水晶簾影碎殘紅
雲洛浦雨巫峰
惹香夢暖落金蟲
沉吟薄倖添愁處
忽憶郎心與妾同

聽張濟甫絃索座中某姬嘗學藝于張者也

協律延年技自工
啼鶯語燕共春風
當筵絳樹情偏解
學得吹簫憶箇儂
雲淡淡月溶溶
青衫淚漬曲難終
一聲小妹銷魂處
暗度華年錦瑟中

虞美人

本意

名花贏得佳人影
江水啼紅冷
香根艷葉冠芳叢
却道一春婀娜大王風
巾綦偏灑英雄淚
多少男兒媿八千子弟盡精靈
夜捲雲旗草木自爲兵

讌集贈歌姬西音

舞茵歌扇花光裏似剪橫秋水新聲宛轉繞梁塵却恠
回頭窺宋是東隣相思盼斷長安月乍見盈還缺瀟
湘風雨夜來深肯放西歸錦瑟續清音
春衫鴛繡銜羅結斜捲金條脫去年梧雨亦同聽翠被
薰香未解是愁聲藕花蘋葉搖魚浪日暮增惆悵綿
綿芳草遍天涯却怨王孫誰與綰遊絲

玉樓春

臨邛

相如不到臨邛路誤煞卓家新寡女輕將雁柱寫鶯心
一擲紅顏等舞絮今來重訪當壚處翠鈿羅裙不似
故春山彷彿見蛾眉烟鎖琴臺迷暮雨

七夕將盡方得姬人舟抵濟上之信

梧桐一葉秋來處行盡濁河清濟路西風料峭撲窓紗
直北長安雲擁樹年年靈鵲填橋羽不向人間移淺
渡屢將金鈿卜良期拚到桂輪當三五

午睡

梨梢數點催晴雨晝寢羅幃將夢補芳樽三月柳眠風

瘦玉一枝花擁霧 嬌慵慣受韶光侮未畫雙眉倦更
嫵狂夫簾底笑相窺枕上香痕添幾縷

秋怨

深院蒲萄秋影碎昨夜新凉人不寐最嗔輕薄是吳兒
未解含愁看小妹 別來何處搖征轡塞雁南飛過幾
隊多情江上舊丹楓飄入高樓紅染淚

木蘭花令

西湖春日

錢塘門外多遊冶紅旆碧油芳樹下天桃灣水畫舸留

垂楊院落秋千打 燒香約伴雲鬟亞三竺六橋多遍
也同心梔子最關人船裏紅粧堤上馬

正月十六夜

京師舊俗婦女多以元宵後一夜出遊名走
橋模正陽門釘以被除不祥亦名走百病云

元宵昨夜嬉遊路今夕還從橋下去名香新暖繡羅縠
翠帶低垂金線縷 回頭姊妹多私語魚鑰沉沉纖手
拄釵橫髻顰影參差一片花光無處所

春閨

黃鶯啼過垂楊路記得金鞍從此去五更殘夢碧爲



原件短缺

P36

一日新愁紅是雨
闌干空憶別時語
羅襪痕輕沾落絮
何須剗地起東風
早自銷魂斜照裏

南鄉子 第三體

連雲棧

百二古秦關
飛鳥摩天一線還
芳樹雲籠複棧裏
潺湲嶺出紅泉舞
白鷗行路損朱顏
九折羊腸縈翠巒
扼險爭如人不守
汎瀾劍閣今如平地寬

春愁

初旭映珠簾
梁燕啣花墜杏衫輕軟
東風人乍起
纖纖

餽芳辰暫許抱裯眠
笑謝曰一之已甚

內政頗峻而房中人已舉

一子子羹德之索句為祝

賀錢孝起七夕納姬

金風初捲玉繩低
照正是鵲橋雲雨天
孫莫訝七襄遲
爭看取銀河競渡
霞駟乍馭月璫新卸
未識鳳幃甘苦
姮娥偏耐五更寒
那管得人間私語

醉落魄

春閨風雨

幽蘭小院年華錦
瑟生新怨溼烟粘
夢低銀蒜只有棠

梨偏帶愁時倩 麴塵鞞淺苔痕褪 一春紅淚金溝濺
子規啼過憐花片 蝶恨蜂疑 顛落櫻桃半

詞又

幾番風雨柳烟新 織迷官渡海棠開 盡春無主天涯芳
草遮斷郎歸路 畫堂曷篆香生 縷金鈴只把殘花護
深情誰向東君訴 燕溼雕梁似會人言語

又

畫樓羅袖堆雲膩 枕聽簷霜枝枝葉葉春風鬪 好囑闌
干扶搭垂楊瘦 繁紅一夜飄還驟 斷香零碧新愁又

高燒銀燭獨挑殘 舊雨瀟湘淚滴遲 蓮漏

夜遊宮

題仇十洲韓熙載夜宴圖

僕射風流天與看 墜珥遺簪無數度 曲調絲能按譜擁
名姝向華筵花似霧 珠玉行間吐 曾謝却雙鬟不顧

醇酒婦人聊自許 夜何其楚姬歌越女舞

却嚴續雙鬟之贈是豈荒於聲色者生 叔言文章 各動四裔

踏莎行

春情

花落香堤烟籠芳樹遊絲不縮春風任韶光一別便經
年經年情緒誰爲主 燕啄新苔鶯啼舞絮魂銷莫向
登高處遠山只解送愁來停雲又斷人歸路

漢中司李曾道扶寄王阮亭維揚見懷之作卽次

來韻

斜日雷塘秋雲閣棧相思不設鴻溝限紅橋水外玉人
簫青城巖下麻姑飯 驛路千盤情塗一線秦山吹落
平山雁別時飛雪滿漁陽夢來似絮縈淮岍

旅情

芳草粘天歸雲擁樹他鄉一幅登樓賦吳頭楚尾已經
年年華不肯同愁住 蘭漿寒烟珠簾香霧夢來誰記
江南路蘆花楓葉是誰邊斷鴻聲裏瀟湘雨

小重山

鏡

春曉疎簾語燕過香奩小婢捧粉痕酡菱花斜照歛雙
蛾新憔悴一晌不會磨 人影隔輕羅粧臺延素女半
青娥海棠帶雨怯愁多啼紅斷湫澗浸澄波

金陵感懷

柳縮秦淮六代春當時雲雨夢總銷魂風流折屐屬何
人長干月猶照謝公墩絲管咽黃昏清江橫鐵鎖不
能軍華林花落自續紛雙燕子軟欵說傷心
又
雨入金陵錦樹秋南朝佳麗地長新愁重來如夢憶從
頭宮槐落凝碧斷芳洲試訪翠筵篔簹亭明月夕美
人遊青溪岫繫紫驂騮風景異短後帶吳鉤

惜分釵

別意

春雲旭芳草綠冶郎玉勒裝新束倚鴛帷把金卮爲繞
征輪倩得遊絲遲遲屏山曲閒簫局別離不慣愁千
斛攬征衣送斜暉花落河橋烟暝空闌霏霏盡語離
臨江仙 第二體
楊白花

東風吹去春如線斜陽喚起新愁行雲消息轉悠悠鳳
凰池上絮影若爲留風錦瑟深宮花月裏鶯歌燕語鴛
儔飄颺踪跡夢中郵浮萍無賴不肯到金溝文謝東流

臨江仙

第三體

坐雨

苔鏤重門深院悄垂陽低映簾櫳子規啼過女墻東綠
含粉竹雨紅漾錦葵風倚遍闌干為阿儂一雙愁黛
螺峰前溪玉漏咽琤琮醉澆千日酒雲溼五更鐘

南鎮

一曲鑑湖山色裏秦皇此地曾遊空濛宛委碧雲秋千
巖能競秀萬壑自爭流只有梅梁風雨夜盡龍猶吼
深秋丹文綠字費尋蒐繚垣水外寺珠箔鏡中樓

梅墅

梅墅為祁世培中丞故居倚山築園盡有會稽
之勝乙酉金陵失守中丞赴水死其子姪多隱
居於此墅以梅
福舊隱得名

木落蠡城秋色遠鳴榔烟外澄波琅玕十畝帶南坡風
塵吳市遠邁澗葛山多浪立濤飛接汨羅芷蘭香結
雲窩女蘿山鬼影婆娑精靈雙鶴表天地一漁蓑

青城詞 卷之二目錄

中調

蝶戀花 九首

釵頭鳳 一首

唐多令 二首

錦堂春 一首

一剪梅 四首

漁家傲 三首

蘇幕遮 第一體 一首

蘇幕遮 第二體 三首

鳳啣盃 一首

定風波 一首

醉春風 一首

風中柳 第一體 一首

品令 一首

聲聲令 一首

風中柳 第二體 三首

行香子 二首

解佩令 第二體 二首

錦纏道 一首

鳳凰閣 一首

青玉案 七首

三萸子 一首

看花廻 二首

兩同心 一首

天仙子 第二體 五首

帶人嬌 一首

小桃紅 一首

江神子 第二體 二首

千秋歲 一首

離亭燕 一首

粉蝶兒 一首

西施 第二體 一首

師師令 一首

百媚娘 二首

魚游春水 二首

傳言玉女 一首

河滿子 一首

風入松 第二體 二首

于飛樂 第二體 一首

剔銀燈 一首

御街行 一首

撲蝴蝶 第二體 一首

祝英臺近 二首

一叢花 一首

金人捧露盤 一首

山亭柳 一首

紅林擒近 一首

鬪百花 一首

驀山溪 三首

洞仙歌 二首

滿路花 一首

蕙蘭芳引 二首

霜天曉角 一首

華胥引 一首

江城梅花引 一首

玉人歌 一首

八六子 一首

愁春未醒 一首

謝池春慢 一首

宣清 一首

意難忘 二首

塞翁吟 一首

法曲獻仙音 一首

絳都春 第一體 一首

共計一百零三首

青城詞 卷之二

嘉善魏學渠撰

中調

蝶戀花

春情

金鎖重門絲雨凍燈影挑殘又聽鷄聲送忽到郎邊仍

是夢月移春去牕無縫綵線拈來針不動描就雙鴛

嬾補翎毛空恨葉愁苗鋤舊種花留夜合甕瓶供

落葉

山枕輕寒烟景暮露白霜清連夜飄乾雨誰信秋來香
夢斷枝頭菜菽驚秋羽幾陣歸鴉紅葉路玉漏偏長
斷續聲難數爲問西風留幾許應憐此日銷魂樹
憶夢
日透窓紗紅影皺枕上人回却喜情如舊燕子鬧來初
醒候淚沾羅襪花陰逗行到花陰思邂逅髣髴音容
對面難窮究扶起芳魂和夢走別離非久相逢又

離情

雨漲金塘紅意少桂槳蘭橈人去長安道燕子辭梁鶯

又老雙眉誰畫留煩惱長短亭前花不掃臨水登山
半爲情顛倒閣淚恐將郎意攬行時只說歸宜早

亂後重過西湖湖舫十不存一故人半已披緇入

山

羅綺香堤今再覲舊友高陽一半歸彌勒楊柳烟疎舟
似笠湖山喜我非新客雨過青莎籠樹碧九里松陰
猶帶前朝色斜日憑闌江上汐海雲橫覆蛟龍宅

和飲光月下與濟甫對飲濟甫自理絃索原韻

玉露無聲香霧裏檀板輕敲烏鵲驚飛起明滅波光晴

亦雨碧天萬里涼如洗 楊柳梢頭月上矣一派秋聲

譜入宮商理多病閒愁誰起子夜遊秉燭君言是時

病未出門飲光
句中兼相招也

春暮

金鎖重門來乳燕柳絮飄殘鬢影迎風亂好處一春人

未見落紅飛過秋千院 簾掛銀鈎閒擘阮乍煖輕寒

寄語加餐飯盡日水沉香未散遊絲只向愁心縮

舟過虎丘

月小山高閒縱步磬舄鐘流又值新涼度人影如烟花

似霧真孃遮斷生公路 數點峰巒呼不語酒罷歌殘

正是銷魂處試問新愁添幾許鷺鷥浴盡芙蓉雨

登潯陽鎖江樓

獨上層樓雲漫漫遠望廬山翠影橫霄漢芳草斜陽飛

斷雁誰人能識廬山面 凝盼東吳同疋練飄泊天涯

盡道離鄉賤撥薛尋碑看不見總由他色絲黃絹

釵頭鳳

私訂

東風弱春雲薄低眉細憶芳箋約人洵美路如咫緣締

紅絲心通綠綺是是是
娉婷市溫柔裏明珠一擲真
輕矣鳴羞雉書還鯉黃昏易期白頭難恃止止止

雉鳴求
其牡

唐多令

遊仙

碧草帶泉涼天桃滿路香
聽吹簫引得鳳凰黛色秋空
烟幾點溪水落賺漁郎
月裏舞霓裳烏衣進玉觴
風鬟動瑤海雲黃千乘載花紅
一色蕉夢短鶴聲長

寒食

桐院一鶯鳴堦前蕙草生
便飭簫吹落閒情夢似飛花
花似雨紅陣陣到清明
油壁更逢迎遊絲陌上縈玉
鈎斜外響秦箏地下傷春春
任否青塚恨咽梅精

錦堂春

閨怨

繡閣黃昏珠簾碧霧早看見
明蟾將午望中人良宵約
聽風吹蕭竹乍驚棲羽
暗卜燈花潛窺朱戶拈玉管
芳心欲吐煥金爐牽錦被
問箇儂薄倖如何湔補

一剪梅

和漱玉詞

夾岼芙蓉乍霽秋
妾上菱舟郎去蘭舟
淡烟芳艸路千重
雁叫西樓月湧南樓
九曲寒江曲曲流
未斷曩愁又起
今愁書中兩字說
加餐葉謝枝頭雨
過城頭

湖上步自蘇堤

一抹清巒湖上樓
雁在蘆洲鷺在蘋洲
斷橋幾曲最銷魂
水自東流月自西流
縹緲孤亭碧影秋
梅種山頭鶴放雲頭
六橋花柳憶前人才子
眉州太守杭州

別意

日落江城送別船
來比琴絃去比弓弦
春光駘蕩不能還
纔數榆錢又數荷錢
明月當頭情易牽
昨夜簾邊今夜牀邊
相逢夢裏笑嫣然
郎意遊仙儂意留仙

咏燕

杏雨梨烟軟語留
囑付雙鬟莫下簾鉤
人家王謝舊曾遊
花近高樓燕喜重樓
故壘新巢不費謀
啣上芹泥恰傍芳洲
烏衣子弟最風流
來帶春愁去剩秋愁

漁家傲

遣春

吹徹鸞簫春漸少落花隨意飛來悄惹得愁人心似擣
何計好夢爲蝴蝶香中老 開到茶蘼紅影抱深情猶
戀東風小昨歲韶華今歲討纏不了勾除春曆無煩惱

送戴幼安南歸

薊北秋殘風景異河橋柳亂羈人意桂檣蘭橈帆掛起
烟水裏遠山落照蓬窓閉 久客不歸家萬里留君且
任渾無計籬菊參差黃滿地書應寄他年訪戴花邊醉
本意

晒網垂竿紅蓼浦扁舟一笠新秋雨携婦出門朝復暮

南浦去烟中撥棹風中舞 世上波瀾曾不顧將魚換
酒月方午醉脫蓑衣招白鷺歌獨寤夢中那識邯鄲

蘇幕遮

第一體

畫眉

宿粧歆春夢杳翠黛初勻京兆傳新稿秋水澄波牕窈
窕巫峰未雨莫與堆煩惱 玉鬟低金鈿小微泫紅潮
兩點青難了央及纖毫都澹掃無處容愁休遣來偏早

蘇幕遮

第二體

立夏前一日

翠羽衾紅蕤枕續綠紛紅都被封姨碎一弄鸞簫燈影
背欲送春歸未識青陽界 繡屏遮金屋貯莫漏韶華
兼許遊絲礙舞盡東風縈柳帶燕語鶯啼怕聽傷春話

春情

帝女花王孫草弄粉團香一陣棠梨雨流水畫橋寒食
路柳外啼鴉愁絕高樓暮 暉暉雲分麝月夕想晨翹
只記憑肩語淚染殘紅千萬縷江水多情片片隨潮去

咏枕

整鸞衾剪鳳燭半捲流蘇重軟欹紅玉六扇屏山明繡

縹簾影風翻殘月窺人獨 背蘭缸低金粟夜夜淚痕
好夢憑誰續並蒂花枝纖縷復又道雙眠消盡鴛鴦福

鳳啣盃

贈小妓鶯初

曉日新粧矜翠鈿畫堂鸚鵡邀人見背立怕生疎破瓜
年幾羞迴面將玉指撚金線 袖遮紅裙拖茜慙姿惠
性橫波倩倩透黯無言春風難鎖深深院晴絲裊處鶯

轉

定風波

春遊

陌上香輪水上楫
杏黃衫子罩輕紗
玉燕風斜雲鬢影
心省高樓簾裏出
琵琶春盡藥凌烟
桃葉渡日暮櫻桃
小院是誰家
愁看落花飛不了
縹緲斜陽芳艸又天涯
醉春風

漢州阻雨

一夜山中雨濕雲
迷古渡僕夫整駕紫騮嘶
去去去驛到柳邊城
依棠水巴流堪泝
波趁陽侯怒卸鞍
烟草路率彼曠野
獨悲吟任任任酒
綠郛笈紅濤井今宵

詩句

風中柳 第一體

寄懷錢爾玉疏圃

人境松廬髣髴柴桑
非遠數家常蒲團茗椀
床頭萬卷杖頭一串
盡中遊梧桐深院
風月佳時客有羊求來
慣美河東三人俱健
菊花招雁梨花留燕
咏停雲深情宛轉
合吹高情空山一樹
蘇外與溪翁手筆
淋漓

品令

咏茶用山谷韻

莫更思團餅分片葉新香另名泉水淨松烟竹火白羹
神瑩塵外清風療得思君悄病 夢來情永雨梧閣多
閒境恰如高卧空山一樹梅花瘦影纖手擎將清福過
奢重省東三人身對淡林路孤寒空留燕和詩雲彩
聲聲令 蓋中數語賦彩詞 風月對秋容市羊末來
入與經潼川 兼染染非盡燒空常無團香對衣面萬春
山脚落日水浸殘霞高低棧閣咽鳴笳離鄉萬里走蜀
道逐麋麕問舊城澗石江沙 匹馬荒祠官驛斷舞神
鴉陌頭新蕨已生芽炊烟遠絕啼杜宇路三叉松林外

驀見人家

風中柳 第二體

別離

楊柳烟疎驛路晚秋時候向西風一帆拖逗別離滋味
對黃花同瘦淚痕添羅衣新皺不款語河橋錦瑟淒涼
此後好把心情常似舊高樓簾捲夢裏還能覲怕雲山
又多傷憊 送盡年華正堪黃昏低拂下沙東輪馬
吹林東風 薄雙魚計春三春對斜香天對雲草
海燕雙飛小院濃陰迴抱勸東風與人做巧吹來遊子

莫向他鄉老捲珠簾茶蘼開了風薄倖東風依舊飛紅
如掃問歸鞍雙魚信杳三春憔悴看天涯芳草傍粧樓
砌成新惱

春閨
芳草連天偏惹一春愁緒別離不慣情難訴鬢歆鴛枕
風雨傷遲暮掩重門怕聞鶯語風煩惱春風何似早催
春去高樓驀見揚鞭處香堤烟柳又飛絮無數倩雲山
斷行人路

行香子

山中述懷

輕擲年華作客天涯染緇塵久旅忘家無窮芳草汗漫
星楂恨漁舟笛酒壚筑戍樓笳古驛晴沙送盡風花
立斜陽暝樹栖鴉不如歸去卧對流霞有雪中芋霜餘
橘雨前茶裏武夷剝剝並即
無限輕颺送盡年華正鵝黃低拂平沙車輪馬跡紅日
將斜是腰能舞眉能語眼能波風踈掠燕雨過藏鴉
傍粧樓掩映明霞柴門幾樹渡口人家看烟爲縷絲爲

帶絮爲花

五歌六麻韻宜獨用稼軒間有通用處終非至當波字效尤謹識子謬

解佩令

第二體

無別蟋蟀送盡半華五餅黃沙對平心車餽語和珠月移桐影颺吟桂葉聽堦前低聲細說好笑兒童携燈去迎歸奩裏近牀惟愁懷並咽英雄孤憤空閨情結鬪秋風戰場清血一出南塘拚薄命紅顏劍俠獨羞他伎男妬妾供前西賦賦大對旅古對都心送盡風 醉將干役雅安度竹菁關重入水亦來無意草干試青山煙鎖碧溪石塚走單車幾曲藤邏落葉繽紛汲澗

水新篁生火且消停松陰堪坐良當關磊砢攀援情悞兩三蠻女穿花朵鳥道羊腸行不得子規勸我仰頭看

恠峰欲墮

蜀人行旅取火於竹

錦纏道

春閨

繡甸香濃小沼碧瀾風皺倚闌干離情偏奏遣愁惟酒醒來又柳葉藏鶯無賴啼清晝正西園落紅飛來鴛鴦好三春淚珠沾翠袖今朝携伴踏青去等閒拋却奈心兒裏有

鳳凰閣

傷春

看池塘鬪鴨浮萍飄泊欲尋紅影總蕭索况是宵來風
雨一春難託到底比郎情更薄千留春無計十分垂簾
牽幙誰道因緣已成錯柳結同心只恐絮飛心各恁消
受梨花院落

青玉案

春遊

香車過處東風曉人喜暖逢晴昊小苑落花還不掃鬪

草難輸傳杯易醉柳外鶯聲悄溪邊薺菜穉穉繞著
意憐春春未老斜日啣山歸及早錦帷障路羅裙窄地
盼斷凌波小

閨情

水晶簾額蒲萄錦粉汗融流山枕池上紅梨連影浸梁
間語燕枝頭舞蝶脉脉纏香寢新愁欲遣拚沉飲門
外鞦韆聲不禁淒絕玉簫堪再品滿園風露半床殘夢
偷數飛花識

江行晚泊

秦淮二月東歸路飛絮落紅無數纔過中秋重問渡涼
 颺吟葉斜陽掛樹總是銷魂處疎烟一抹棲鴉語坐
 覺露華清似洗蘆荻蕭蕭明月裏艣聲欸乃砧風斷續
 夢近瀟湘雨幾點秋香盡濕愁心
 不語春情薄
 芳郊繡甸香風繞深柳處聞啼鳥花落成堆閒不掃珠
 勒魂銷盡樓望斷人在春邊老闌干倚遍王孫草語
 燕雙歸將夢攪路遠天涯鱗字杳燭淚難乾蠶絲未盡
 斜月簾前小

送春

東風吹動梨花雪何事杜鵑啼血馬嘶殘雨香堤滑閣
 延新綠簾垂輕碧莫與春言別鞦韆小立雙鴛襪蝶
 去蜂來紅意歇欲遣蹇修春處說蕙愁一束蕉心千卷
 可奈歸情劣
 舊巢燕子新來喜肩雨追尋花裏金鴨炷香香不已低
 敲檀板悶拈絃索誰與調商徵黃花羞整雙鸞被却
 怕夢來隔江水幾處濕烟柳帶底嘔含螺黛愁粘蝶粉

恨共春燕起

江行

涓涓江漲瀾官渡便一水難來去繚繞垂楊認烟戍魚

磯蓮渚竹籬茅舍零亂飛鳧鷺扁舟野泊由天暮漫

寫景銷魂無句楓葉蘆花淒欲訴白雪難和朱顏易老

歸夢黃花雨

三萸子

有憶

憶畫船荷渚驀地相逢香頻炷黛新濃翩躚輕海燕華

彩逸驚鴻紅簇簇日重重百花中鈿低雀影裙掩鴛

蹤星的曉月梳工多情留俊語後會記秋風憑桂槳蘆

汀外掛孤篷

看花迴

本意

春日遲遲百卉新芳草成茵銀鞍寶馬青郊外任逍遙

自在閒身体經寒食後紅去無痕燕子呢喃鶯語頻

催盡遊人幾層楊柳幾層雨須教秉燭黃昏桃源還可

到莫更迷津

兩同心

春夜

香散雲屏珠簾瘦影垂銀蒜小立春風倚玉欄步迴月
景又看看柳外烏啼真成薄倖早是蓮籌未竟人歸
酒醒剪鳳脰偷解羅襦暖鴛衾先弛繡裝最銷魂寶袜
斜紅燈昏花暝

天仙子

第二體

驛路棠梨花的的馬嘶殘雨新烟溼流連光景重紅顏

別恨

啼鶯寂落英積江上春潮深幾尺芳艸天涯南又北

送君千里終無益彈來紅淚濺征衫暮雲碧柳絲織載
得淚痕同日夕

採蓮

曲水凝香紅一線約伴挈舟波欲濺誰家蕩子恣嬉遊
垂柳听多生倩銀灣轉處遙相見競折團荷遮翠鈿
抱苦心頭絲未斷暗拋蓮子怕人知情不慣頻迴盼無
語歸來忘墜鈿

七夕

玉宇無塵珠露白靈鵲飛忙天上檄雲駢冉冉過橋來
風流驛支機石肯向人間瓜果席 鈿合金釵私語澁
會少離多歡意窄無端乞巧嬾穿針一年隔雙星覲願
趣逐銀河潮汐

宮怨

三十六宮春色徧一樣新粧陪夕宴昵歡邀寵在誰邊
角枕粲錦衾爛翠輦不迴花影亂 香裊金爐清漏短
雲膩粉寒愁宛轉想君憐處暗銷魂白團扇青玉案買
賦長門昨日賤

壽劉飲王慈闈五十

海燕雙飛梁上語乳雛辛苦衝花雨來年憔悴爲孤飛
鶯啼樹蝶驚絮山枕淚痕和影訴 畫荻丸熊朝復暮
白髮朱顏從此駐孝標家世美文詞烏反哺鳳振羽玉
剪新雛能似父

婦人嬌

春情

寒食晴烟漸覺繁紅狼籍留不得鶯心似客遊郎靚冶
訂花間情劇思密訊人在畫樓凝魄 徃事難思微聞

青坊言
十六
薌澤蝴蝶亂飛少氣力當初已錯淒緒空縈臆腸斷也
夢裏尋來無迹

小桃紅

佳人

懊惱青溪渡寂寞前裙路翠袖天寒賣珠補屋琴能絃
語葺蔬園種滿碧琅玕坐瀟瀟秋雨寫字鸚能覩畫
粉蟲啣去金黛全消薄粧初試微添香炷繡絲幢鋪一
箇蒲團學鴛摩梵句

江神子

第二體

秋思

瀟湘一幅畫秋紅近丹楓聽鳴蛩澹瑟空濛惆悵楚雲
東爲雨風鬟飛不定故鄉月有誰同沙邊鳴雁夜聲
中歎如蓬憶芳叢艷種難消采采爲芙蓉強說無愁人
意冷終是假看眉峰來愁煞淋瀝風
巽糴經蔡店盧餘菴故宅
門前楊柳舞秋風聽鳴蛩思悲翁猶記當年握手鳳城
東斗酒招携同粉署青白眼問高空相如消渴嘆詩
窮綺羅叢恁情濃宿翠栖香潦倒一英雄屈宋文章千

古事哀蒿里冷江楓

東千秋歲

門前春愁用大樽韻

連珠初弄細雨棠花送尊酒意何鄭重柳綿縈翠袖芳

草粘絲鞵長亭別歸來愁煞描雙鳳 明鏡嚮粧捧山

枕蟬雲擁今夜月誰人共新栽護草樹鋤斷鴛鴦塚堪

歎是今宵還做前宵夢

離亭燕

春愁

紫玉轆轤宛轉鴛被錦帷香淺微雨小庭紅寂寞早見

鶯喚蝶散花底結離愁誰道年華輕換 如縷深情難

斷付與東風一半珠淚沾衣香袖冷烟艸滿川零亂殘

夢費尋思曉日穿簾乳燕

粉蝶兒

春和毛澤民韻

不信離愁這般排遣難絕數從前許多支節上高樓牽

翠幙紅燈明滅漾簾櫳影皺半床新月 荳蔻將開芳

心嫩藥重結玉弓兒倩誰溫捻正三春多好處煩花惱

葉軟楊枝却趁着東風活

西施

第二體

洪叅戎席上觀女劇演浣紗

春秋吳越矢相加蠡種策堪誇人心驕艷色吳沼已鳴

蛙却恠江東謀略無雙士明麗盡如花 姑蘇臺下持

蓮幟傾城絕代西家只恨得巾綦臣詔賣夫差千載五

湖共汎鴛鴦翼媒妁屬溪紗

師師令

和張子野韻

翠鈿寶珥照明蟾如水眼波流去欲生秋銀袖裊金篝

香意舞遍霓裳軟不起碎落霞橫地 滿城羅綺嬌桃

李擬佳人能似深情宛轉在心頭櫛畫扇手授紅藥和

夢和烟和露墜此夕人千里

百媚娘

春情

為說春光都好因甚春來愁到幾見愁隨春路也不信

儂愁自造一餉傷春頻遠眺應惜春將老 午夜針停

心悄過盡綠濃紅杳秋水模糊長似醉搯損麻姑仙瓜

拚得送春春又笑春去愁還早

秋恨

却怨東君作惡煩惱三春誰託纔過朱明秋氣爽漢渚
橋成靈鵲又道秋來愁有約還信春風弱露滴空庭
花萼畏聽斷鴻孤鶴去棹征帆殘照裏淚灑登高帽落
明歲尋春春曰莫人是悲秋昨

魚遊春水

接家信

年年離別恨啟芳訊春光一線雲鬟欹枕空憶舊時歡

宴銀蠟爭輝月似人舞袖低映花如霰獨倚黃昏步搖

風顛絳蠟挑殘漏箭停繡指微呵玉硯却憎蟾鏡飛

來朱樓偏見隄麋淚滴麝煤澹小篆香浮猩紅茜歎息

誰聞杏梁雙燕

九未韶光好嫩綠晴烟人意悄低垂珠幙幾縷花陰林

表明月鸞簫碧玉輕錦瑟珠柱紅槽小萬里春風一簾

芳草言獨自登樓遠眺掛樹夕陽橫古道近來菱鑑偷

看啼痕多少重門盡日飛紅雨海上經時沉青鳥夢裏

舊愁望中新惱門盡日飛珠雨
 試寫些些根節此情難盡封題還
 過夢裏長是沾霜雪醒時無據空房
 小病閒愁人似溪邊秋葉河橋別語
 傳言玉女登對豈非佳樹又則辭古
 寄柬蕭瑟玉輝融憑藉秋珠點小
 風波磨折歸來須好休教裁荅小
 風河滿子
 警悟

做巧天然就拙持危未必非安路
 一枕邯鄲年少新歌薤露老翁苦
 白首黃金誰鑄朱顏自在不妨麋
 入世莫愁窄徑閉門原是深山
 西家

風入松 第二體

多情何事唱陽關清淚溼霜紈
 秦箏彈出河橋別是誰
 人調寄離鸞尊酒風前今日落花
 春色明年柳枝垂
 帶一輕攀低語勉加餐波紋激
 皺東流水漸斜陽催上

雕鞍畫出憑欄悄意江南碧草漫漫

感舊

選得一枝瓊樹花山遠暈朝霞盈盈十五風前立半含

羞紈扇輕遮人在越溪翠袖香移隋苑瓊葩相逢未

嫁却非賒有日馭芸車伯勞飛燕參差怨奈波瀾薄命

堪嗟自是佳人難再今朝腸斷西家

維楊麗質移住若耶或阻良緣

每懷薄恨

于飛樂 第二體

美人放風箏

想踏青初遍後嬾去尋花早輕颺吹動牕紗把芳箋細

剪就綵綯微加飛鳶活翅且由他流浪天涯牽紅絲

一縷弱奔月披霞由纖手遠近爭差忽移時趁風力線

斷雲車遊郎心性沒拘管落在誰家

正剔銀鐙

寂寞香闈深邃低菘菽珠簾標緻露溼闌干星殘翡翠

鳳脰青青難寐堪憑雁足修芳訊未乾燭淚六扇屏

山黑地癡鸚鵡宵來偏睡簡點征衫難施針線捲袖輕

山黑地癡鸚鵡宵來偏睡簡點征衫難施針線捲袖輕

挑紅膩無煩占喜便開花做成憔悴
 御街行 蝶飛秋懷
 紺雲碧雨迷官渡塞雁尋烟成畫樓
 簾捲那人家金管
 玉簫如訴天低河淡江空水落月照
 蘆花浦 沉檀夜
 熱飄香霧心是秋為主鳳蟠宮錦小
 屏遮翠袖生寒蛩
 語丹楓霜外白蘋風裏一派愁聲聚

撲蝴蝶

第二體

春愁

重憶江南繡陌東風緩芳叢飛蝶細
 雨梨花館金堤鴨
 綠微波玉竿鵝黃正滿畫出捲簾心
 事春絲短 三尺
 蝦鬚烟織晨起新粧嬾夢中雲樹
 驀被鶯啼斷蟬紗雪
 壘紅凝螺醮秋山碧遠獨自支持冷
 燠

祝英臺近

泊濟上西風大作
 笛聲橫西風繁林外飄乾葉催上離
 懷斷送秋光歇却
 見捲起黃沙成烟做霧便夢來總無
 分別 愁雲壓亂
 鴉幾陣飛來偏向高檣夾半枕幽情
 只對燈明滅縱教

春滿長安金猊煖炷怎值得相如消渴性欲問減絲絲
 只就別意少少秋風露更寒來歸無衣限愁雲壘
 百嬌壺雙粲枕奈送君南浦黃雀風微古驛絲絲雨此
 時繡帶香鞵挽留無計倩青山雲烟遮住更私覷柳
 岸偏近斜陽歸鴉正飛度班草唏噓怕記斷腸語清野
 空帶愁歸巾車脫轂載不起許多愁去

一叢花

芙蓉裙衩最宜秋秋水又橫流隔牆聞喚離珠閣出來
 芙蓉裙衩最宜秋秋水又橫流隔牆聞喚離珠閣出來

未整玉搔頭橋路荷花溪灣蘋葉是處可移舟歡然
 持檝鏡中遊柳外人行不輕遮紈扇星眸注又還見鴛
 鳥沉浮蓮子香妍為誰心苦儂向不曾愁

金人捧露盤

首春客湖南

楚山重楚風怨楚江清渡岳陽雪擁雲橫湘君山鬼靈
 旗縹緲若為情昭潭嶽麓有梅花影帶春星畫中帆
 樓中笛沙中雁雨中城恰上元火樹銀燈采茶連唱研
 羅紅粉雜嬌聲離騷一帙客牕外月過疎櫺

長沙上元夜童

子為婦人裝連
臂唱采茶歌

山亭柳

金魚池新柳

舊苑宜春正柳岍風柔飄澱水傍粧樓嫩綠偏近鈿轂

微黃斜掛簾鈎便是藏鴉掠燕惹起新愁 飛花飛絮

青門外香雲香雨玉河流腰能舞眼能秋帶結同心尚

早絲牽遠恨還留繫得王孫歸意芳艸池頭

紅林擒近

未登偶過

綠樹東臯近繁英流水香竹粉脫幽徑薜荔繞閒房珠
簾紗窓窈窕簫局茶竈端詳鞦韆影落池塘笑語隔紅
墻 舴艋沿溪渡十二浴鴛鴦湘裙百褶釵梁雀顛明
璫便苧蘿村裏桃花洞口碧雲暮合來阮郎
鬪百花

蜀道

于役川南千里不見人跡往往投宿古剎蝙蝠
亂飛僧徒杳然間有一二民家懼為兵擾寄居
山頂陡絕
不可問也

似讀西游全卷投宿亂山僧院荒村未見人行匹馬翻

言城言
二十五
令鳥散古佛蓮臺塵滿貝葉燈龕鼠占蟲侵一半眼底
誰經慣
三兩農家陡絕巢居雲棧堪歎沃野良疇灰
飛傳箭徒御蕭蕭更闌明月山頭腸斷數聲孤雁

驀山溪

憶舊

垂楊院落小玉今何處未嫁恰相逢曾檢點衫歌扇舞
登樓剪燭携手結同心添蘭炷酬清酤夜雨清溪路
小牕絃索昵昵銷魂語曲罷下簾鉤記凝竚一鈎蓮步
伯勞燕子頡頏更參差廬江句洛神賦薄倖難回護

春情

芳郊繡甸碧草嬌晴晝蛺蝶競香枝听垂楊玉欄風皺
珮環聲細裙底蹙凌波春光漏春心透釵落煩纖手
去年燕子重話雕梁舊贈芍采蘭時感詩情雉鳴求牡
歸來翠閣微雨做黃昏殘花驟啼鶯瘦人是愁中有

田家

櫻桃門巷曲水偏迴抱蝴蝶弄風柔正雙燕商量樹杪
垂楊小閣搖曳一村紅漁家笠樵家笛何處無芳草
携筐季女桑葉今年好燕麥兔葵天沾飛絮清明雨早

山田昨熟爛熳任生涯御琴瑟勤錢罇蟋蟀聲中老

洞仙歌

春情

一川烟靄迷惜香蝴蝶楊柳舒腰綠染葉正河橋人去
別意徊徨殘紅盡又是飛絮相接倩遊絲繚繞小住
爲佳且向今宵共明月對淒涼錦瑟言密愁深更屈指
潛移萸萸踏芳草聽驛路流鶯怎不記斜陽獨歸時節
壽錢爾斐七十
東臯雲樹有檜枝松幹埤坵高城溪水斷看穿池種柳

春情

芳郊繡甸碧草嬌晴晝蛺蝶競香枝听垂楊玉欄風皺
珮環聲細裙底蹙凌波春光漏春心透釵落煩纖手
去年燕子重話雕梁舊贈芍采蘭時感詩情雉鳴求牡
歸來翠閣微雨做黃昏殘花驟啼鶯瘦人是愁中有

田家

櫻桃門巷曲水偏迴抱蝴蝶弄風柔正雙燕商量樹杪
垂楊小閣搖曳一村紅漁家笠樵家笛何處無芳草
携筐季女桑葉今年好燕麥免葵天沾飛絮清明雨早

山田昨熟爛熳任生涯御琴瑟勤錢罇蟋蟀聲中老

洞仙歌

春情

一川烟靄迷惜香蝴蝶楊柳舒腰綠染葉正河橋人去
別意徊徨殘紅盡又是飛絮相接倩遊絲繚繞小住
為佳且向今宵共明月對淒涼錦瑟言密愁深更屈指
潛移蕤莢踏芳草聽驛路流鶯怎不記斜陽獨歸時節
東臯雲樹有檜枝松幹埤坵高城溪水斷看穿池種柳

壽錢爾斐七十

汲井澆瓜這風味白髮朱顏堪羨把霞觴為壽健飯

高吟象管蠻牋大陀硯更梅花百樹木橋千頭矮屋短

籬臨清澗滌茗椀待隣父相過話晴雨桑麻新務歡宴

滿路花

小閣

疎簾延樹青小閣搖山綠東臯春雨後渾如沐茅簷簾

戶流水琤琮玉又鶯聲斷續嬌癡蝴蝶飛來花底雙宿

梵文具葉稽首絲幢讀問天天不語黃梁熟竹几茗

椀粗辦三間屋何必車兼肉漫笑當年人間多事綺角

蕙蘭芳引
美人刺繡首飾
天不諱黃樂

柳絮飄殘垂銀蒜春風不度檢幾幅吳綾鸚綠鵝黃新
縷愁腸已斷好去續繒雲絲雨記檀郎舊日彩筆曾留
花譜小鳳枕描雙鴛衾畫對凝眸無語便絕代針神繡
出芳心幾許經營慘澹丹青雜組笑傍人輕比迴文機
杼
美人學書
彤管班姬慵針線芳心誰託正尺素親裁鷹時鸞驚初

學臨池宛轉可能似簪花標格看隨身硯匣記取紅腰

紫脚 飛燕輕妍玉環豐艷好分工拙為雁足堪憑難

說深閨腕弱黛痕描罷香膠試染右軍書彷彿凌波綽

約 紅腰筆名紫脚梨筆管也 東坡詩云妍媸肥瘦各有態玉環飛燕誰能輕李嗣真云洛神賦象

凌波 神女

霜天曉角

辛亥初度時予以人言侯勣武昌旅次有梅花二樹及門諸子晨夕過從

十三年矣久客辭鄉里非黠非癡男子昨湘江今漢水
譖人爾爾古道今誰是蓼莪淚下劬勞悲啣誰為理

郵書傳鯉欲殺時人指閭闔貸臣無死燒銀燭看青
史春風方始相伴閒桃李逆旅兩樹梅花日夕香冰雪
裏

華胥引

中秋前三日送曹存李還雲間兼寄令兄次典

秋風蕭瑟秋月澄瑩去舟一葉子建才華萍踪雁羽空
擊楫况經霜葦連天聽櫓聲咿軋砧杵寒催故園萸菊
堪插 春草池塘憶君家次公豪俠白社青樓何人同
遊共狎聞道南皮佳會好詩盈篋檢點離情夢來烟樹

千疊

江城梅花引

雪中紅梅

枝頭一點小紅賒是梨花是桃花昨夜同雲揉粉暈朝
霞珂月印川銀浪起梅心結雪情嬌繞天涯 天涯天
涯玉人家護燈紗映窗紗舞絮撒鹽空擬似艷爾奇葩
最是疎香錦幔不能遮扶起海棠瓊院裏梁苑賦謝庭
詩不爭差

玉人歌

初春

臘欲盡看庭院疎梅浮香晴晝碧煙籠樹殘雪消鴛甃
 新飛蛺蝶花間瘦曲水波紋縐最無端前歲閒愁向春
 還又人驀見韶光漏漾繡陌東風先沾翠袖芳艸羅裙
 休落鶯啼後柳搖嫩綠桃含蕊去問旗亭酒趁惱人暄
 景未深時候

八六子

武昌雪夜漫吟

歎飄零偏是風雪他鄉東望蒼然念世事悲涼塵土江

波淘盡英雄憑誰問天 問天無語空傳續王粲登樓

賦讀韓非孤憤篇却又見小院暗藏梅韻兩花三藥香

凝粉艷爭似五更夢殘枕上一聲角起城邊羨神仙孤

篷簑笠漁船

愁春未醒

贈閨姬

盈盈十五初結雲鬟似墻頭小杏經雨嬌風顫越芳妍

纖細腰支才女相如吳絳仙長時夢裏而今親見良夜

華年下箭緩銅壺半欹銀燭偷卸金鈿擬冶葉倡條非

是韻竹香蘭徐解羅襦還將寶袂押輕寒消魂此際遲
逢有恨貪看無眠

楊帝目吳絳仙曰
才調女相如也

謝池春慢

贈楊姬姊妹三人而色藝惟姬為勝

玉環豐艷好名兒一家占秦號並風流私誓長生欠豈
蕊早含香雨暈棠梨染恰勻停難增減移將菱鑑照得
雲情淡換歌駐拍拚歡飲霞觴灑羅帶扈香煤翠羽
釵梁颭劇飲漸淋浪私語胭脂點聽更深挑蠟燭燈開
蓓蕾偷把相思懣

宣清

天琴亭亭在彰德使院後撫掌則鏗然琴聲

綠綺來何自過華林驛路清音疏越立孤亭撫掌尋聲
譜猗蘭急彈輕撥玉柱未安金徽誰注雨超風忽絃解
語情如髮瑟瑟夜闌明月銅雀生哀離鸞別調流到
漳河咽記總帳西陵一時人傑便歌吹當時歇片石韓

陵並琴軒獨留冰雪

韓陵山在彰德高歡破爾朱榮
於山下立碑温子昇為記徐陵

奉使過此讀之嘆賞不置歸陳上問
北朝人物何如曰惟韓陵一片石耳

意難忘

乍遇

北里迴車見樓依嘉樹庭列奇葩瑤琴移柱急寶鼎裊
烟斜青玉案碧牕紗果是麗人家啟畫閣霏微香霧一
縷朝霞 簷前鸚鵡無譁看牙籤鈿盒風艷堪誇留髡
眉欲語窺宋扇輕遮情自重夢非賒促坐弄琵琶恐洛
川賦心不易僅說如花

題錢子輔託園

泌水洋洋正新鴉藏柳乳燕栖梁尋春榆葉暗銷夏藕
花香閒博奕理絲簧小艇泛滄浪啟北牕參差桐影午

夢初長 天容我輩清狂便焚枯酌醴豈必河魴環池
催壘石倚閣看栽秧歌皂帽掛奚囊脫利鎖名韉望遠
溪疎梅百樹客到徜徉

塞翁吟

春思

碧雨秋千外雙燕軟語芳叢愁一簇上眉峰青鬢爲誰
容高樓試把蝦鬚捲平蕪天影粘空徙倚久庭延草綠
幙映花紅 忡忡自當日長亭惜別蝴蝶夢天涯未逢
看錦樹鶯啼都遍又香渚偷浴鴛鴦立盡東風金霞翠

三十二
鈿柱說新粧只任飛蓬

法曲獻仙音

咏走馬燈燈剪綵繒爲人馬作十面埋伏劉項戰
鬪之狀燒蠟則四圍環走如生

翠羽紅綃寸人豆馬一炬中間連串暗啞重瞳名騅馳
驟只少虞姬生面楚歌來烏江血垓下風雲戰光如電
筭英雄可能不散胯下子千古弓藏留恨漁父艤扁
舟只爭差鴻門高宴玉漏聽殘擲金卮燈微風扇只剩
得秦時明月教遊人見

絳都春

第一體

甬東董異子過訪自言久汗漫遊不得歸養拈句
慰之

凌雲佳手正好句比陶新文並柳舊族江都越嶠分枝
便繁露窺園洋纚天人口恰是買舟相訪東山叢桂泉
分惠水雨攜虎阜 邛友是貧非病笑白玉堂高平津
閣閉誰成廣厦堪羞斗大金垂肘先生非久居人後他
時結駟歸歟爲萱闈壽

御詩賜和煥然堂園壽

閣閣猶如寶貝掛蓋平大金垂掛我坐非人母人翁

惠水雨謝我早則收文是會非蘇笑白正堂高平第

更發靈靈園羊懸天大口台是買我味荷東山葉蘇泉

...

想之

雨東畫裝子戲方自言八千對燕不辨瀾雲

絲潛春 菜一韻

壽城詞 卷之三目錄

長調 一首

滿江紅 五首

尾犯 三首

水調歌頭 一首

滿庭芳 三首

鳳凰臺上憶吹簫 二首

燭影搖紅 一首

掃地花 一首

塞垣春 一首

遶佛閣 一首

漢宮春 第一體 二首

天香 第二體 一首

倦尋芳 一首

聲聲慢 一首

雨中花慢 一首

慶清朝慢 一首

八聲甘州 二首

玉蝴蝶 第三體 二首

瑣窗寒 二首

金菊對芙蓉 一首

渡江雲 二首

萬年歡 一首

應天長 一首

東風第一枝 六首

西河 二首

醉蓬萊 一首

醉江月 一首

換巢鸞鳳 一首

月華清 三首

念奴嬌 八首

桂枝香 二首

木蘭花慢 三首

水龍吟 三首

湘女怨 一首

瑞鶴仙 一首

畫錦堂 一首

宴清都 一首

齊天樂 一首

花犯 一首

石州慢 一首

南浦 一首

拜星月慢 一首

綺羅香 三首

春雲怨 一首

喜遷鶯 二首

春從天上來 一首

花心動 一首

花發沁園春 一首

二郎神 一首

歸朝懽 一首

尉遲盃 一首

永遇樂

一首

望遠行

一首

望海潮

三首

夜飛鵲

一首

薄倖

一首

惜黃花慢

一首

風流子

二首

霜葉飛

一首

離別難

第二體
一首

過秦樓

三首

沁園春

七首

賀新郎

五首

摸魚兒

二首

鳳歸雲

一首

送征衣

一首

金明池

一首

夏雲峰

第二體
一首

白苧

一首

秋思耗

一首

引駕行

一首

十二時

一首

蘭陵王

一首

大酺

一首

瑞龍吟

一首

浪淘沙慢

一首

西平樂

一首

玉女搖仙珮

一首

多麗

二首

箇儂

一首

六州歌頭

一首

小諾臯

一首

寶鼎現

一首

怨朱絃

一首

三臺

一首

拋毬樂

一首

哨遍

一首

戚氏 一首

鶯啼序 一首

共計一百三十五首

三臺 一首

小滿 一首

寶鼎 一首

...

六州 一首

...

...

...

...

...

...

...

...

...

...

青城詞 卷之三

嘉善魏學渠撰

長調

滿江紅

經邯鄲呂翁祠相傳為盧生黃梁夢處

千里風沙行古道停車落日是何處崔嵬碧宇沁懷動

魄將相平生旅邸枕詼諧半晌蓬萊鳥說高樓時有列

仙居叢臺驛吹笛者方外迹披帷者夢中客望漳流

潏潏水天一色殘奕山河唐與宋畫圖鐘鼎今同昔笑

人間富貴盡虛家何曾識

與飲光亭彥南湖雨汎

柳雨荷風對數頃湖光如練記當日蘭亭修禊觴歌芳

甸公子西園臨玉樹佳人南國遺金鈿更從容人靜夜

珠來清波濺時事易谷為岍繁華盡花如霰問樓臺

誰主空梁語燕烟市綺羅風物改畫船簫鼓雲山換漫

傷懷白髮倚紅裙君猶健

謂飲光也

和飲光席上有贈原韻

清暑輕寒回蘭楫芳堤依舊剛遇着雨絲風片倩留紅

袖燕子穿簾花影碎遊魚迎棹波紋皺可人憐小立整

鬟時微醺候回頭覩金釵溜低聲喚鮫珠逗想翠蛾

嬌感多情蚤透眼底乍逢歡尚怯眉尖先壓愁能瘦客

將歸杯酌已難勝觴仍受

飲光久不痛飲然女郎侑酒輒醉

感懷

意氣交遊悞乃公酒壇詞社還記得車笠相逢神姿瀟

灑舊日彈冠多貢禹今朝下石還須賈問雅詩三物詛

何人如今者翻雲雨安聾啞蕉內鹿塞翁馬任須臾

冰炭誰分冬夏門外雀羅丞相喜中山狼縛先生解儘

由他恩怨本來無風飄瓦

詞人春情

如雪梨花纔過了新開紅藥漸輕煖惹來春夢低徊珠
閣晏起俄喧簾內燕晨占暗喜簷頭鵲正明朝女仁約
尋春東風脚 珊瑚枕金蟲落翡翠釧玉魚涼憶年時
乍遇伊其相謔芳草望縈飛絮遠夕陽人縱遊絲弱倖
黃昏隔院笑聲來心情各

尾犯

秋怨

細雨驛邊橋蟲語瓊堦螢穿珠箔問卜無憑聽馬嘶屢
錯陣陣歸鴉催夕照聲聲墜葉迷秋壑看晴川外斷碧
零香都向新愁著 銀河乍清淺恁此夜靈鵲寫得
芳箋恁雙魚輕諾幾度試針織手軟一迴嘗酒丹脣薄
黃昏孤坐怕夢來更添蕭索
秋 日 題 黃 州 使 院
楚望自蒼然玉露初溥金波未淪吹笛高樓呼仙人黃
鶴雨後鳴蟬情逾澹天邊斷雁書難託永安城北一夜
霜飈樹樹紅成幕 橫江添別館無數蓼渚蓮泊步自

雪堂問竹樓飛籜赤壁空傳監稅賦黃梅猶見慈雲落
快哉亭上且醉吟夕陽山郭

江陵漫吟

倦客對西風鶴澤雲深鹿溪人邈幾處砧聲到黃昏簾
幕絳帳臺邊絲管咽昭君邨裏珠鈿落黯銷魂也王粲
登樓好賦當飄泊登臨悲屈宋還問玉宇寥廓斷雁
聲中蕢酒成孤酌峽去空舸明月冷江浮息壤秋烟薄
東西灤水此時恨少陵難作

水調歌頭

述懷用東坡中秋韻

天亦有時醉醉眼睨高天浮雲碧宇舒卷夢裏度芳年
昨歲吹簫吳市今日畫眉香閣翡翠薄霜寒典盡春衣
也載酒落紅前一輞川杏彭澤柳且高眠起來花影搖
曳蟾鏡恰纔圓犢鼻文君壚畔荷鍾要離墓側凡事不
求全寄懷冰雪裏風月更娟娟

滿庭芳

蘇眼別恨黃昏小垂手謝琴瑟
雛燕初飛嬌鶯無語滿庭花影苔痕離思萬種滴淚漬

湘裙那更烟橫霧靄王孫草到處銷魂河橋雨濕飄紅
袖別意近黃昏 匆匆小垂手慵登翠閣獨掩朱門問
蘭橈去後何日相聞欲說情恫一二沉吟似隔暮山雲
十年夢依然憔悴愁黛幾曾分

初至成都

鳥道千盤蠶崖一徑錦城佳麗難論蕭條官舍茅屋竹
爲門幾處傳烽戍壘方憐我王粲從軍應須記晚勤扃
戶虎氣正侵人杜陵草堂處江聲日夜杉雨繽紛過
柳邊荒驛行旅銷魂聞道廿年兵火傷心在杜宇黃昏

太平象鉦鼙漸減禾黍欲成邨

送別和舊韻

玉燕欹鬟金猊裊篆宿粧隱界啼痕別情不慣卮酒意
徒勤况值落花時候依稀似倩女離魂一聲去忽南乍
北兩恨恰平分卦獨歸珠閣後紅羞寶袜綠褪湘裙借
迴文錦字驛路郵聞還道天涯未遠夢中飛越萬重雲
只開眼舊愁新恨偏自近黃昏

鳳凰臺上憶吹簫

烏鵲聞七夕女郎倩扶自雲間過訪同飲光賦別

青坊言
五
烏鵲重忙鴛鴦雙渡佳期誰覺迢迢况扁舟斗酒暫過
相邀何似銀河舊路結綵縷別夢徒勞金波轉藕花未
落桂藥方飄香銷霞靨再駕看玉曆回旋紫府丹霄
記雲山萬叠較近前遭天上隔年故事又僥倖破例今
朝消受着桃笙桂楫恰閨良宵珠箔卷涼蟾照綺窗
玉折蘭摧珠沉蕙歇從來好事難留正風宜蘋藻星許
衾裯記得征軺北去分手處忍淚凝眸偏今日舊巢雛
燕萬種新愁休休返魂香杳疑人間天上未隔鴻溝
聽蟲吟蠶語夢到西樓多少離情欲訴猛驚覺風落簾
鈎傷心也端然靜好瑟侶琴儔

燭影搖紅

金古逸納姬

花發長安含香荳蔻春猶淺芳心暗透目先成猶記紅
燈宴粉袖輕移撥阮學樗蒲銅壺嫌短鴛鴦結社不覺
三年今酬歡願新帖羅襦寶函鈿雀朱衾爛朝霞簇
鏡一聲鶯繡帶同心綰記取長生誓券展桃笙低垂銀
蒜絃簫如沸怎怕生疎依然婉變

掃地花

春恨和清真韻

胭脂萬點散鴛鴦
螭欄細沾平楚弱
絲幾縷縈湘裙翠
袖落紅同舞遠眺
遙山吐秀高雲不
雨聽鶯去柳陌一
聲當送春處
留花花未許任轡
指江邨輪交香路
綺筵列俎記芳時
好句揮毫染素忽
見斜陽盡出珠樓
意苦漫延佇又吹
來斷簫零鼓

塞垣春

壬子武昌立春日漫吟

積雪迷平野漸暖日輕寒
罷雲開北郭雁飛南
浦舊愁如乍便園桃堤柳
逢迎也好付與東風嫁
見釵梁搖綵勝春情須着
意寫望裏憶東吳客心
夢故里桑柘疎影近梅
花伴新年此夜趁今朝
歲時荆楚芳辰選佳句
高樓下試把歸期卜
看緇衣欲卸

遶佛閣

寄懷雁增白谷和尚

征途迢遠孤舟野宿
秋聲相贖鷺山鹿苑
夢聞半字迦陵向初
旦天花飛散幽香簷
蔔禪思偏健往來開
士微

言渡彼岍天世事真無據不道流年還暗換應念羈愁
西風吹斷雁看萬結情條一霎冰泮便占肥遁歎顧兔
蹲烏漫留方寸扇玄風肯嫌根鈍

漢宮春 第一體

玉漏深沉看鳩觀迴風龍樓度月羊車何處寶炬蓮燈
烟接三千羅綺媚宸遊霓裳舞歇最難堪宮殿黃昏倚
遍闌干時節與雲雨巫山明滅對新粧消得長門春雪
紅顏薄命馬上琵琶愁絕昭陽日影照寒鴉偏生親切

只憑着金溝一葉片片染情人血

京師上元

瑞雪初晴正雙闕回春千門布暖燒燈不夜花市千街
絲管凌波步弱蹴芳塵艷心驚眼鰲峰蠹星球火樹交
輝冰輪光滿太平萬年齊衍信金吾輟禁遺鈿墮釧
香車暗逐誤認非煙遊伴雲和再鼓奏鈞天風來霄漢
踏花影通宵笑語此夕漏聲嫌短

天香 第二體

茉莉

桂雨含葩荷烟漸老悄向小庭徙倚綠葉參差粉痕零
亂別是秋來情味月斜雲淡恰好伴蕭娘清睡解珮凌
波江上尋芳藥珠宮裏最憐玉肌翠袖抱幽姿碧天
如水料近紅綃霧帳冰瑩雪膩浴罷釵梁滿把隨夢去
花開枕邊矣此際銷魂偷香被底金吾陣禁豈關
倦尋芳

和蘇伯固韻

絳仙雅韻謝女詩才神姿瀟灑芍藥風輕春到綠嬌紅
妬夢去平蕪官渡遠瘦來垂柳闌干亞聽鶯聲正河橋

惜別紫駟初跨便千里音疎驛館信斷鱗書誤聞嘶
馬獨上高樓幾點黛螺如畫雲擁香鬟鴛枕上露沾霞
襪蝦鬚下判相忘到明朝又金錢打

聲聲慢

和漱玉詞

斜陽掛樹初月當樓離恨獨自慘戚芳草王孫去後漫
無消息絃絲乍撚輕斷又聽來雁聲飛急夢中路意中
人迢遞關河似識飛絮悠揚難積花落盡梅子枝頭
堪摘寫寄鴛緘和淚隄糜怎黑黃昏做成細雨到芭蕉

偏增點滴漸消瘦除非羅裙省得

雨中花慢

感舊

眉萼容愁唇藥留艷曾逢楚玉高唐正雲梳晚髻星的
晨粧茸繡春衫蝶舞平頭鞋子鴛翔似牡丹經雨紅潮
粉暈仔細端詳 名爲翡翠人是姬姜深情都寄翹簧
度芳歲玉簫緩弄蕙炷添香一柱一絃離思九秋九結
迴腸黃昏凝佇風微畫幔月過銀墻

慶清朝慢

秋景

梧葉飛黃蘆花散白烟波黯淡江關似催一襟涼意落
雁聲殘高閣枕流水恰捲簾細雨做黃昏還望見天粘
碧草久客衣單 雲片片風瑟瑟芙蓉簇南浦浪減無
痕何人停杯問月迴視刀環應念鴛帷背燭新題秋怨
淚珠潛臯亭外染成絳樹損盡朱顏

八聲甘州

秋感用柳韻

渡江來兩槩溯迴潮听草做新秋正蛩鳴驛舍蘋風白

青坊言
十
鰓柳雨紅樓于役吳頭楚尾木落未曾休看遠村烟起
星淡河流應悔浮沉鷁鷺正弋人慕處倦翮須收筭
紅塵綠鬢何事可淹留夢中遇橋邊黃石便逍遙大壑
一虛舟丹楓路斜陽墜葉值恁閒愁

夏景
小園堪避暑趁清風茉莉沁微涼正秧新麥舊蝶稀鶯
老芳草池塘不用輕搖紈扇翠谷種蒼筤柳下魚磯是
垂釣何妨有客翩然過訪脫幘清譚罷洗醞飛觴便
沉瓜浮李襍坐理絲簧覆雨翻雲人世事算忘機淺渚

浴鴛鴦拚既醉樽罍狼籍月轉迴廊

玉蝴蝶

第三體

佳人

漫說佳人傾國輕盈倩盼蟬鬢鴟鬢十五珠名玉字靜
好無言貯金屋笄珈日耀浣溪水翠袖天寒更銷魂拈
來班管細寫吟箋堪憐畫屏嫺雅斜牽錦幔試帖花
鈿獨自思量悄移菱鑑對紅顏怕人猜鬪尋芳艸知儂
恨聲咽啼鶉到黃昏蕙爐烟裊羞疊雙鸞

瑣牕寒

春情

蝶破晴烟燕爭落絮凝眸春路小屋桐陰坐聽流鶯碎
語寶釵樓上舞殘紅吳牋銀粉書情素將惜香心事梨
溶棠浸向天公訴 去去踏青處朱橋新綠漲雙鱗信
誤歸來人倦空印軟沙芳步奈東風不管閒愁好夢櫻
桃枕上譜待醒來幾樹斜陽又零鐘剩鼓

冬景

四望同雲朱簾不捲勁飈初射紅爐獸炭圍坐滿堂蘭
麝更飛觴梅萼堆紅小牕絃索如情話看灞橋風雪歸

人策蹇江山堪畫 高閣臨粧罷正呵手拈簫萬般嬌
妬貂裘換酒好問旗亭詩價最銷魂斷雁幾聲琅玕浙
瀝簷牙掛待芳年盡將冰挑凍柳東風嫁

金菊對芙蓉

秋感和辛幼安重陽韻

銅漏聲長金虬燼冷玉人自理絲桐正鷺飛北渚雁叫
西風南山恰對東籬酒數岬曲萬朵芙蓉斜陽影裏白
蘋紅蓼露濕霜濃 須信好景無窮歎春去秋來老却
英雄儘朱顏黃土千古悲同除非携手赤松子丹成候

九轉從容騎鸞下視塵埃野馬午夢晨鐘

渡江雲

抵蕪陰晤顧翊文權部

東風吹繡陌波縈蘭漿屋角見棠花傷心春漸老記故園桃李爛熳村家雕輪翠幃何水部屢枉軒車道此時青蠅白鳳恁地不爭差堪嘆塵埃野馬雲浪蒼茫看大江東注儘人間平分蝸蟻槩量龍蛇相逢恰罷樵柯奕應還許種邵平瓜今宵別檣頭幾點歸鴉

萬年歡

春思用史邦卿韻

等得春晴踏東郊沙軟碧雨紅雪社日初逢芳艸青青怒發望處旗亭繫馬到對酒心偏愁絕青溪外幾點瓊葩猶留如玉風骨門非關韶華易歇只蜂蝶憔悴那時輕別閣膝調絃忽記鳳帷人物深夜剪燈細語携手竚一鈎羅襪而今是夜色空庭只同千里明月

應天長

荆南元旦

春王正月旭日條風江城早透春色四序流光宛轉良

辰趁駒隙經年雁前度客笑咄咄把書空畫綺羅香滿
 院凝兒嬌女衣襟 越嶺雲如織歸夢關河花月應相
 識驚見朱幡彩勝翩翩新第宅靡蕪艸勻繡陌鎮閉戶
 細量今昔燕狎鼎檢曆從頭青紫黃碧

東風第一枝

初冬同朱鶴門程蕉鹿集劉公敵齋
 碧玉新名綠珠舊字雙螺初縮纖黛長生舊誓三郎芳
 伴頻呼小妹鈿牀金盞又勾惹朝雲下蔡可憐宵婀娜
 簾櫳好填却鴛鴦債 申密約鳳聲啼啐顧誤曲燕稍

剪快步蓮銀燭分行口脂洞簫畧帶垂花密炬聽更漏
 寒宵無奈唱小詞楊柳旌旗有不識雄心在

暱故戲
 及之

座中楊
 姬與程

西河

放言

古今事彼蒼戲弄如此金銀有氣到雲霄去天僅咫尺
 鬼五嶽空封禪銅山突兀新起 貨殖傳腐太史陶朱
 行徑堪擬送窮文好一迴讀一迴自喜賦才貲顯有文
 園傲清談者誰子 牙籌握筭羣賢裏更誰人洗阿堵

耻謾說粟生金死正銷魂纍若俱成市只問孔方相知未

成都懷古

繁華地追談往事都道花圍錦繞舊蠶叢三都屹起千
秋萬歲種芙蓉羅綺香風天際浣溪曲愁邊倚載酒
扁舟誰繫傾城花藥付西風蒼涼玉壘蜀王宮殿盡平
蕪摩訶池上流水 牟彌八陣今還在想英雄橋名萬
里望帝不知何世一聲聲寫怨銷魂也夜雨清淚淋鈴

裏

蜀三都謂成都新都廣都也 千秋萬歲俱池
名 諸葛八陣圖一在牟彌鎮

醉蓬萊

壬子初度時客荆南

憶前年此日風雪江干鶴樓羈客飄泊荆南又殘冬風
色誕降庚寅懸弧設悅祝一生無厄老大而今尚遭磨
蝎空悲疇昔 遙想維桑竹籬茅舍梅藥幾枝新荔一
石爆竹觴椒看兒童與劇浪逐紅塵寒盟白鷺把盞青
衫濕夢到高堂挑燈起坐愁聞橫笛

醉江月

燕子磯登眺

千尋翠壁倚江滸儼畫烟波一幅松柏蔣陵何處是漠

漠平蕪滿目柳外鷗汀沙邊魚桁古寺飛蝙蝠武昌東

下好風和地能縮予從漢口九日抵龍江當日江左偏安臨春

結綺淚灑烏啼曲將相候王新邸第興廢爭看棋局萬

里安流一天明月舟傍蘆花宿鐘殘烟鎖石頭城下樵

牧

換巢鸞鳳

別意

春老鶯愁看海棠雨艷楊柳風柔津鼓催青雀吟鞭躍

紫騮無端百舌語鞦韆繁華猶在人近深秋難留也儘

拚着黃昏消受又回首能任不萬種離思半咽脂香口

丹葉新題碧蕉舊咏誰道開懷唯酒蓮步難移獨歸時

菱花怯照郎行後選殘芳夢醒來彷彿携手

月華清

八月十四日泊舟虎丘因憶舊時吳人好事自十

許與三四日玩月至十八日看串月方散數百里內有

歌聲携客挾妓而來者清歌絕唱驚魄動竟今不可復

何中觀也

俗愛喜遊人偏瀟灑漫道山塘非遠爭邀致桃根桃葉

畫船魚貫十三十四蚤尋秋凝盼到平分月半高宴聽
可中亭外繁絃急管 驀見碧鈿紅袖奈衣香鬢影輕
烟欲散不信人間便是廣寒瓊院莫錯過令節佳辰還
待與嫦娥留餞繾綣問石湖明月舊時能串
十四日已有艤舟待月者俗客爲多近暮微雨二
更後畧見月色

十四曆頭中秋近矣好句聞門飛襪纔見得繡旗彩鷁
文窓窈窕點點滴滴雨和風偏向着畫船繚繞心悄依
柳邊荻岬祈晴及早 漫說玉人年少有村姬十五雙
螺曳縞估客粗豪差足當壚顰笑猛聽却山寺清鐘剛
催到嫦娥娟好縹緲看酒徒幾輩於今散了

中秋錫山夜泊

斷岬平沙雙鷗匹鷺人生逆旅如驛剛遇看一輪蟾鏡
流光今夕芙蓉渡素練斜飛燈點點掛千尋壁是夜惠山燃塔
岑寂聽水邊小閣何人吹笛 望去輕烟欲濕况支持
病骨西風淒惻誰駕青虬往問鮫宮珠泣又送到蛩語
烏啼蒹葭浦一天秋色少息夢江邊長嘯携吹簫客

念奴嬌

感遇次劉改之韻

滔滔者是歎乾坤浩蕩置身何處外吏真同牛馬走賢
否在長安路麋鹿難馴金銀無氣頃刻迷風雨興波激
浪恩讐枉自辛苦漫道似漆如膠同桑共梓結張陳
之語此日含沙人得意誰顧淒涼苦土鬼蜮工謀蜂蛇
善螫描寫君為主烟蓑依舊五湖應許人去

次飲光雨中閒坐有憶韻

扁舟一去漸絲絲細雨藕花飄馥樓外鳥聲何處斷蕉
葉經風翻覆少伯無媒相如消渴祇伴汀鷗宿衣香鬢

影夢竟依霍家玉憐爾畫理詩才筆芬墨艷瀟灑真
非俗劈阮搗箏纔病起看有何人顧曲我欲浮家君先
泛宅喜近芳洲綠青簾白舫羸修得鴛鴦福

次飲光谿默訪妓韻

簾櫳午靜正荷香雨亂風翻碧葉小院闌干扉半掩翠
袖迎人猶怯綵鬢低垂腰支纖瘦欲語詞乃拙啼粧怨
粉眉尖忽聚如說歎息才子違時佳人薄命往事成
悲咽薄倖東風誰是主珥墜簪遺纓絕浴後輕鬟夢餘
滑篔總怕牽人捻淺憐深惜含情却恠蜂蝶

歲晚將由荆南赴星沙風雪大作
晴川飛霰望荆襄東雨同雲漠漠越嶠吳山歸未得終
歲猶然飄泊塞雁南飛江流東注是處風波惡水天雪
地壯懷幾見蕭索 記得春漲平蕪白蘋洲畔燕子穿
珠箔鸚鵡文成千載下還悔禰生輕薄一片離愁萬重
烟水鑄鐵真成錯釣蓑衝浪寄懷已在寥廓

邨居

閒閒十畝有蒼松翠竹柴門堪閉刈麥插秧梅雨足好
是朱明天氣小鳥驚絃孤帆駭浪憶向來情味烹葵脫

粟北牕無事高睡 幾日紅落薔薇紫藤香蔟看水邊
魚戲午倦風遲吹客到酌醴焚枯席地漁父停橈牧童
橫笛我得山翁意日斜烟起乳鴉閒數歸未
漢上大雪示羅子以獻

蕭然旅客看漢臯飛霰碎珠零璧笑問群公稱瑞雪消
得鶉衣饑色 時漢上大饑 棘上青蠅雲間白鳳一片寒雲黑

酒澆傀儡磯頭斷岍千尺 悔却遊冶東風浮沉雙闕
拋撇漁蓑笠歷盡冰霜流血淚肯受誰人憐惜赤壁焚
舟白衣搖櫂往事波聲咽夢來月冷湘潭何處吹笛

九日黑窰廠登高

憑高矚遠正搗衣
天氣長空凝碧
芳草斜陽人
不見知
是他鄉九日銅馬門前
涼鷹臺下
盡道飄零
客消愁惟
酒阿誰一飲千石
雲際數點飛鴻
西山依舊望青靄
如織
以下半山純黛
色陵樹已非疇
昔露浥金莖
歌殘
絳雪浪向秋光
擲故園何處
五湖舴艋
篔簹

水南小亭初成吳子次公作念奴嬌一調見示依

韻奉和

小亭新築俯恠石
虎踞獅蹲如斲
杉檜成行烟欲織
夢

去尋遊五嶽季扎通才
愚公懶拙選句聯
油幕開山靈

運解衣揮塵盤礴
謂壘石君安張子也
何處弄管調笙清歌一

闕風雨山中作老子南樓興不淺
月下霓裳依約露滴

蘋洲雲生桂嶺有客頻呼博酒
香茶熟與君商論丘壑

桂枝香

京師秋旅

金臺飄緲更爽氣
西山烟橫古道水落桑乾
斜日漁陽
風裊羽林射獵
鞬鷹健徧穹廬
琵琶聲小馬肥雨
菴雉
老霜蓀駝酥多少
念此日清樽野菊
還回首故園雲

堆香稱兩岬芙蓉白鷺斜飛霞表而今眼逐南征雁但
紅葉滿堦不埽夜闌河淡夢來月落銅龍秋曉

潯陽訪文燈巖先生同遊烟水亭亭在甘棠湖心
憑高送目正江上深秋新篔簹熟千頃湖光漾碧小亭
幽獨匡廬烟霧牕櫺外泛滄浪暖風吹澱蓼汀鷺起柳
邊漁唱輞川圖足數疇昔悲同岬谷便長水南湖荒
涼滿目金谷亭臺無主鴛鴦空浴問柴桑近來情味指
東籬白酒黃菊琵琶亭上楓愁荻恨不堪相逐

木蘭花慢

寄內

江邊聊騁望芳草岬接橫塘正烟落孤帆雲迷遠岫流
水茫茫黃昏又催蓼雨恰蟲吟壞砌逼繩床可奈離情
如縷好秋長是他鄉遙知攬鏡怯新粧金鴨冷添香
况葉墜風簾螢飛露井鴻雁翱翔休提一襟涼思縱憑
欄何處見瀟湘憐我緇塵古道怎忘繡閣斜陽

春光看如許又初試爽衣天念贈芍采蘭三月三日數
盡榆錢黃鶯漫教春去歎香消淚滴度華年葉葉柳絲

青坡詩
二十一
官渡雙雙鴻鵠晴川
蘭亭修禊倣前賢
象管叶鴟絃
正鳩婦啼紅燕雛
話綠月冷秋千空
庭落花似夢笑良
辰何事爲情牽
我自窄衫短帽醉
來芳草閒眠

武昌九日

參差漢陽樹正爽氣肅高天
看水國萼汀白蘋紅蓼秋
色偏妍佳辰恰逢旅邸况鱗魚紫蟹不論錢
鸚鵡洲前
狂客鳳凰山上神仙
關河望處意蒼然
詩思落誰邊
向白雁聲中黃花影裏
搖斷吟鞭西風滿懷蕭瑟
恐登
龍戲馬事空傳
笑道江山如此無人會
領雲烟

水龍吟

秋江

一江蘆荻飄蕭布帆半向青山掛
蘋洲蓼嶼魚罾高捲
酒旗低亞鐵甕城邊
金陵水際斜陽西下
恨六朝興廢
烟花消散今盡入舟人話
故苑垂楊繫馬憶當時珠
嬌玉姹平章草木凝眸官渡桃根都嫁
巢落烏衣岼飛
白鷺風流王謝最銷魂
此夕船頭明月冷光來射

送錢飲光北行予亦將入楚矣

別時慣識秋風登山臨水行人路
舊年今日桂舟蘭楫

送君西去兩度離情一時幽緒淚零如雨况江潭憔悴
獨醒人醉我更有懷誰訴盡道帝京堪賦美豪華金
張馳驚相如貲顯楊雄文似賺人都悞應憶江南菊籬
松逕烟霞猶故待歸來寄語招君東下與盟鷗鷺
楊花用坡公韻
樹頭誰見楊花到春闌偏從空墜難縈雁足易繞馬蹄
撩人情思曲院深宮踏歌連喚不將花閉看舞腰歌眼
永豐坊裏早是欲眠還起縱說移根換葉肯相同落
紅輕綴郎蹤妾夢如雲似雨愁多心碎差擬梨花西園

雪艷香流春水奈黃昏時節綿綿飛盡變成清淚

湘女怨

公馭姬人良家少婦艷姿弱質善畫工詩就醫
南還中道溺死悼亡有句聊紓荀令之哀誄唁
無文不尙莊生之達也

漢臯神女遺蹤偏雲鬟雨鬢僂傴雄姿北海佳人南國
花前携手珊瑚筆架琉璃硯匣由房師友便布帆無恙
三千里別離辜負桃花呪迤邐津塗烟水瘦腰支頻
鬆香扣華陀難遇封姨先妬狂瀾翻覆離合神光依稀

芳魄湘靈之右想水仙偏愛凌波羅襪夢來依舊

瑞鶴仙

雪中春蘭

東風吹不暖正綵勝回春殘雪等伴銀屏圍玉蕊羨幽

芳雅韻賦成梁苑漢陰湘岍移將瑤闕花雨散看亭亭

九畹寒姿禁絕蜂尋蝶串清玩燈微朱戶梅瘦清溪

霧綃零亂人遊姑射明月裏瓊葩幻結同心百琲鮫珠

莫換幽夢相牽一線許娉婷香凝雲鬢拈來玉腕凝音

畫錦堂

谿默聞鶯

亂蹴花紅頻啼葉綠驀聽前歲雛鶯去後便經冬夏寂

寞層城山頭乍語如懷舊柳邊雙坐更深情閒梳羽睨

睨高枝似為客到逢迎孤亭溪苔長畦草遍隔墻松

閣鳴箏掠水翩翩乳燕漫倚身輕好音自得風詩句金

衣何慕弋人矧向荷渚幽吟相伴午酒初醒

宴清都

泊儀真咏歸鴉

落照江湖冷孤帆外萬點飛來遙嶺風淒北固烟迷東

冶雁行堪並倏然群翼驚迴又結伴前茅後勁知道他
打塊成團如齊聽中軍令 幾回欲集平沙旋尋荻岫
商量不定雲屯烽蟻星列鶴鵝圍長陣整金陵宮闕蕭
條空說昭陽隨日影向原田棲宿清宵燈昏月暝

齊天樂

東風初試垂陽閣新晴畫闌花萼龍沫旋薰獸環乍掩
夢裏溫柔依約長安烟月儘翠煥珠嬌自憐飄泊問酒
旗亭雙鬢唱出詞人作 文園難遣寂寞歎頻移帶眼

情同天各靈鵲無憑絲蛛多誤何限春愁拋却迴文屢
寄憶瘦損心情腰圍柳弱縹緲南雲有挑燈舊諾

花犯

長水寓中聽隣姬夜談西廂用清真韻

隔銀墻珠簾金屋覘新粧情味香風過處早細逗鶯聲
一枝纖麗狂夫流浪闌空倚自悲還自喜更剪燭邀尋
隣女薰爐擁繡被 忽見案頭束殘書是西廂多少柳
嬌花悴草橋夢分携正夕陽西墜知心侍兒堪寄柬人
待闕鴛鴦春社裏漏將盡往事休談高樓枕河水

石州慢

秋懷用高季迪韻

澹澹銀河塞雁南飛涼雨頻灑秋聲漸起紫簫響過清
輝盈把參橫斗轉滿天銀碧生寒兼霜葭露徧沾惹一
縷透新愁儘瑤琴暗寫遊冶銷魂時候殘照樓邊流
螢簾下漫說歸逢春社碎揉花打攢眉千度縱使倚偏
闌干鳴鑣怕認門前馬月影恰當窓道吳儂來也

南浦

吳大帝祠

英雄三國記旌旗赤壁暗江潮生子當如孫仲老瞞也
魂銷年少多謀足智看艤艫一炬付風颺道天生瑜亮
定吳歸蜀何事數張遼今日山川猶昔但當年遺跡
話漁樵秋水月明南浦祠廟冷弓刀社鼓神鴉喧旅客
波浪惡一抹劉曹笑總帷作伎西陵銅爵雨蕭蕭

拜星月慢

燒香曲

偕老深盟宜男私祝九十韶光如許嫩綠輕紅怕近清
明雨踏青了再整銀鋌雙鬟斜帖舞鸞釵股粉地香天

向上方山去，響屨廊裊裊移蓮步。短薄祠瑟瑟遲蘭，
璐憑着菩薩慈悲，不把紅顏誤。恁遺鞭輕薄兒郎性，驚
迴轉幾曲還相遇。誰會得一種心情，道畏行多露。

綺羅香

金雀扇拋鈿蟬，箏歌猶記青驄嘶。遠柳暗花明，正是驛
橋春晚，倚寶鼎心篆方凝。拈繡針愁絲不斷，最堪憐。獨
上高樓，平蕪織徧亭長短。露濃香泛，新藥憶緩移羅
襪。去年雲煥朝暮，幾般袖染淚痕難澣。對燈影空醉醇

醪，音書惟加餐飯。只銀蟾斜照，鴛帷舊歡，新夢縮
與林中丞夜談。述感

貴賤何心炎涼反掌，試看人情如許。戴笠乘車漫說中
分，今古范叔相偏。御須君嚴挺兒幾危。杜甫信從來覆
雨翻雲，誰羞絳灌難爲伍。江濤八月如馬，有掛壁疑
蛇負嵎，驚虎作惡。泉刀路鬼，椰榆私語，大槐夢蟻戰堪
雄。小雅詩蠅飛方處，應知道一卷離騷盡風流湘楚。

東落花

官柳成絲野棠如織，驚道春光遲暮。煖策青驄剛近清

明百五隨飛絮畫閣香風沾芳草驛橋花雨最堪憐南
北東西縈旋難別鴛鴦渡 佳人黯自覓斷看亂堆錦
積飄零何所萬點胭脂盡向粉塘流去紅片片辭漢蛾
眉綠溶溶墜樓珠女恨杜鵑啼到斜陽催殘英脫樹

春雲怨

今荆州立春

飄零南紀乍雪消殘臘煥迴羅綺依舊土牛簫鼓徵逐
兒童人競喜綵勝釵頭花幡竿尾瑞日和風東闕裏玳
瑁開筵駢陳尊俎把盞陪珠履 他鄉長是逢佳節便

香車寶馬喧闐街市還憶家山好桃李翩翩舞袖縹緲
歌喉愁縈鶴水宋玉祠空王嬙村圯往事江山如此

喜遷鶯

南曲送程蕉鹿使金陵權蘆政

金池楊柳正祖道攀鞍驅歌齊發彩鷁凌波清鉦戒路
仙珮乍辭雙闕南向濁濟清淮幕府山頭駐節暢好是
問風流東冶桃根桃葉難別撫禁樹郎署含香趨鳳
樓星月燕市紅塵長干碧雨望處水烟重疊散盡酒徒
零落此後應添華髮便去也看曲終人遠津門帆接

涼颼方勁數寒鳥北來澄空蟾鏡楊柳烟疎蒹葭霜薄
帆落驚飛破陣干預高樓何事聽一聲聲重省羅袖濕
指雲中斷雁憐他單影烟暝尋宿蘋洲過蓼汀篆裊
金爐冷鳴砌哀蛩依簾促織舊恨新愁無盡去瀟湘
南浦叫散秋濤千頃人遠也但因風寄語不將書信

後段起句五字
一叶因易之

解春從天上來

春從王鳴石憲副索曆

羈旅漂搖歎楚水吳山驛路迢迢不聞地縮惟見天高
爭說節換來朝記孟冬授朔集鵷班拜舞英韶到今年
更梅疎沙市雪滿江臯幸是使君情深縞紵看獵當
風對酒爭豪卷列支干氣分赤白歲時荆楚眉標道山
中無曆忘庚甲驗取天喬斗移杓行逢新運一任逍遙
花心動

縷帶怨詞

縹緲高樓新月上乍暖輕寒珠箔宛轉銀屏粉澁紅羞
鱗信鴻書難託琵琶語青衫都溼宵來夢向郎邊落還

只怕關河風雨雙鴛織弱
偷織迴文屢錯便別時幽
恨背人吞却近得清明約
伴尋春又姊妹心情各垂楊
舞帶織嬌鶯新桐初乳占
靈鵲傷心處重省燈前舊諾
花發沁園春

荆南除夕
劍刃天香十蕊
林竹發滌
一
巷帖新符門拈春句驚道相逢除夕舊臘晴川今冬灑
水倏忽重看黃曆競走兒童將斷鼓零鈺娛客宛然見
太古遺風不似年時韶色
重記垂髻戲劇鬪竹爆蓮
燈星光烏奕壓歲留錢書聯滌硯整頓詰朝遊屐此日

荆南班衣欲曳還于役小苑梅花應笑我絳雪堂前岑
寂

二郎神

清明

韶光幾日又見花飛絮舞歎艷質妍姿薄倖東風偏妬
閒愁無數似作大槐宮裏客忽夢到白楊薤露都休問
春來舊色目斷江南烟雨風無語回憶年時雕輪玉勒
有流鶯勸我扶殘醉趁斜照香塵起處青鬢朱顏留不
得橫銀海茫茫誰訴只獨往神山携手赤松棹頭不顧

歸朝懽

漢口送楊鄂州北上

客漢上蕭蕭夜雨又向秋風離別處更生封事重西京
子雲玄草矜千古皇華經絕域片言釋甲還尊俎自年
來蓼莪同廢詣闕君先予司馬樞機推奮武指盡山
川看米聚故人高卧白雲隈寸心耿耿金蘭語寒聲催
遠杵征鴻寫入新愁緒望長安緋魚早覲直去天尺五

鄂州使安南時

賜一品服

尉遲盃

送余佺廬頌 詔秦中

咸陽路看手捧鳳詔單車去橫門折柳揚鞭還宿桑乾
官渡驕嘶驄馬都不管離忽隔雲樹漸斜陽燕麥兔葵
徘徊極望孤戍為問松竹樊川多少過昆明太液嬉
聚鈿轂畫輪長安市又慣見珠歌翠舞而今是荒城舊
壘炊烟減繁華已非故有誰能譜寫風詩速歸來向天

語

永遇樂

蘆花閣情

荳蔻香初萼蒲春晚簾櫳依舊薄劣東風朦朧淡月愁
緒難窮究朝雲暮雨畫眉人去燕子又喧長晝恨悠悠
吳牋銀粉試把離情書就 驕驄信杳籠鸚喚誤偷數
歸期暗祝或作幽夢難尋心絲如續對鏡憐伊瘦自來
煩惱風刀雖快怎剪此時傷憊最怕是挑殘紅地幾聲
寒雷

望遠行

蜀宮懷古

蜀藩為明高皇少子宮在摩訶池上徵天下巧匠歷三十九年而成壯麗過於北平張賊破城

蜀王率其子女宮人投井以死王所乘白騾躑躅其旁亦跳入殉焉宮室盡燬繚垣以獨堅得留後苑竹樹參差流水瀾瀾令人增黍離之感樵蘇者于陰雨暝晦時往往見白騾出沒蔓草間予聞之

父老云

摩訶池上春颺度紫禁週垣如故嵬峩殿闕高下宮亭
幾歲迷離烟樹玉壘蠶叢筭道千年興廢歷歷江山如
許最傷心朝夕唯聞杜宇無據試上武擔遐眺剩絲
柳枯杉無數花蓋香留支機石在却見精靈來去憶得
青巾白馬賢王殉國俯仰蓉城今古但一泓盃井蒼涼
風雨

望海潮

中秋後三日錢塘觀潮
錢塘江上雷轟電裂雪山一片茫茫
鯨叟揚綃馮夷擊鼓素車白馬成行
衝浪試舩艤看千橈萬槳出沒汪洋
畫鷁鳴鼉射潮勁弩說鏐王遊人睨視蒼黃
漸瀾迴波息川色山光玳席啣盃朱輪鬪鼓
蛟門蜃渚斜陽平地還成險便沙痕增減分得滄桑
明日西湖汎尋舩綺羅香

春日同張映海郡丞魯資生別駕出成都南門由

萬里橋訪浣花草堂武侯祠遺址荒榛胥塗蔓草
縈路命僕夫刈棘除荆乃得達焉

韶光佳麗芙蓉城外經過萬里平橋寒雪初殘邨烟欲
合青驄拂影嘶驕繡陌露蘭茗見修鱗上水野雉藏蘂
錦官玉壘蜀宮花月舊妖嬈羈情荒徼無慘念杜陵
客倦諸葛功高布陣牟彌浣花溪水哀鶻啼斷遊鑣松
柏聳雲霄從胥榛蔓葛細認前朝好勸春畊普天休戰
美風謠

安陸懷古

郢東佳氣荆南瑞色方城繁麗堪誇大國雄藩鷹符當
 壁龍飛雲杜皇家烟樹擁平沙陽春與白雪低按紅牙
 解珮漢臯披襟蘭榭對流霞而今往事參差只故宮
 離黍舊苑栖鴉羅綺嬌晴笙歌暢夜莫愁去後村娃春
 風薺菜花有仲宣作賦鴻漸烹茶燕子迎人臨風細說
 日將斜莫愁村仲宣樓解珮亭蘭臺皆郢古蹟陸鴻漸汚人也
 夜飛鵲

題仇實父琵琶行圖

潯陽送人處蘆荻飄蕭江水瑟瑟生濤高檣暝色鴉飛

盡明蟾涼露霑袍隣船陡聞絃索漸深情似訴鵲調鸞
 操彈來清怨滄浪萬頃秋高傳語移舟相見羅襪許
 輕移四座無囂憐煞千呼萬喚琵琶遮面描出風騷蘋
 花楓葉向春纖淒切良宵只丹青勻染青衫紅袖影動
 吳綃黃荊對

薄倖

本意用賀方回韻
 人志向東風
 蕩蕩
 惠心妍態記邂逅偏垂倩睞早惹得愁紅羞粉結與繡
 鴛雙帶算從前悄步迴廊深憐密喚真無奈向三五掌

中七絃聲裏語少情多能解聽不了桃花呪還獨自
采藍挑菜只梨夢烟溶蕙恩雪繞尋常蝴蝶游絲礙歡
期難再怕滿街明月吹簫人去何聊賴東風輕薄補過
微之可在

吳惜黃花慢

過馮含章村居看菊只共青於菜青綠珠蘇漫
釣浦畊莊艤扁舟籬外點綴花黃南山對酒人高靖節
西郊冒雨詩序賓王風韶不在疎梅後妍姿映白露爲
霜恰仲秋紫螯堪劈席地飛觴索相須九日清狂兼閣

倚修竹屋帶斜陽畦分族類細枝粗種行排名字國色
天香珠簾垂影偏憐瘦茱萸盡帽落餘涼問草堂來年
再許徜徉

菊分粗細二種各盡其妙
命名多以西施楊妃爲托

風流子

贈雁

春風留不住秋風起舉族又南翔正雛燕衝花偏辭樂
土寒蟬吟葉更憶他鄉道塞雁輪租啣荻苦繫帛寄書
忙孤館月明影粘離恨長門燈暗聲斷柔腸 衡陽千
萬里傷搖落幾雙鷓鴣銀塘盡說于飛成陣數墨尋行

歎雲迷紅樹驛分吳越烟凝碧雨夢隔瀟湘玉軫金徽
清怨調入伊涼
土與虎丘春日記所見
春風吹過處畫船裏瞥見洛神來正新黛含顰斜支皓
腕宿粧隱笑微暈香頰銷寬盡杏花經雨艷柳帶逐風
迴雀扇輕遮羞招伴妬星眸私注怕惹郎倩 侍兒偏
嬌妬便素娥青女綽約追陪僥倖登山臨水步逐芳埃
恰稽首絲幢鶯聲細轉潛遊蘭徑鴛跡徘徊索向朝雲
暮雨爲賦陽臺

霜葉飛

本意用周清真韻

平原枯草征鴻過疎星幾點雲表扁舟橫笛老滄州覺
嫩寒微悄見樹樹深紅襯曉東籬黃菊繁英小况蘆荻
江干又漾起清波淡月紗牕斜照 望迥迢遞關河戍
烟掩靄枉說夢寬飛到疎林乾葉起西風入畫樓愁抱
憶斷瑟零簫拋了無絃暗記離鸞調便此時應腸斷流
出金溝字痕多少

離別難

第二體

別張石菑馮詩國還武林時詩國將有蘭谿之行
楚水燕山久棲遲客有羊求只兩年襍被征衫背奚囊
何用爲生謀試檢點奇字雄文跨江凌鮑萬象雕鏤到
西湖應問林逋梅鶴尚在孤山不
雲漠漠水悠悠憶
雙高落木深秋道蘭陰赤松寶掌便初平叱石共遨遊
何況是白髮高堂班衣還曳百歲無憂憐我向寂寞小
園枯樹佳句肯相酬

過秦樓

餞春用吳修蟾韻

梨月初涼榆風送溽踏遍長堤芳草些些倦蝶陣陣遊
蜂怕聽乳鳩啼曉還憶青陽到時簾押蝦鬚江梅香小
到今朝拈合三春滋味淚痕多少 都不管新燕雛鶯
放春歸去討得自家煩惱美人南國夜雨西陵無數翠
飛紅掃長筭韶華再來此日明年傷春人老拚苔錢買
斷歸程只使水圍山遶

送平涼郡司馬伍菊偶之任

劍閣春風錦屏秋色幾歲棲遲園苑聯牀蕭寺對酒郵
亭一別水流雲散此日燕市重逢携手松陰上林鶯晚

又東西南北秦關千里驛遙津遠
空見說白水蕭蕭
回中黯黯問道廣成遺館人稱玄晏書重潛夫太守雁
門清欵折柳河橋路岐愁緒盃長離情帶緩但懷余牛
馬紅塵誰共商量冷煥

西湖

宜雪宜花宜晴宜雨閒憶六橋芳草香飄羅綺艷綴珠
鈿幾處笙歌沸曉况是楓落南屏梅冷西溪棲霞天表
更佳辰菱葉藕花開遍畫船多少
到此際月照長堤
玉簫金管淒寂添人煩惱鄆王墓畔少保祠前留得松

環檜遶淥水青山無恙蟬鬢蛾眉空悲蘇小試憑闌潮
湧錢塘極望海雲縹緲

沁園春

東古閨人言志援筆代述

洗粉拋朱醒來春夢是也非耶思牽蘿補屋松間翠袖
灌園汲水蘋港裙紗却謝明璣便成推髻料理絲籠併
紡車還村量在半間鷄埒側舍蜂衙而今歸隱非賒
喚餽婦田翁更莫差况荳棚舊架老紅枸杞竹厨新火
嫩綠茗芽貝葉曾諳絲幢初繡朝暮焚香禮法華君休

矣便鹿門妻子臯廡人家
 錦鞋詞更莫惹長豈爾曹
 金粟霞扶明珠星的羅襪
 餘春看斜纏綾素弓
 初描繡譜鴛跡微勾過去
 簾前舞來掌上薄印青苔
 露痕銷竟也倩檀郎溫捻
 生拽芳心蕪遮餘蛺蝶紗
 更占斷清歌按拍頻便寶
 釵樓裏一聲響細秋千架
 底兩點紅侵步步生蓮
 彎彎似月雅稱腰身不起
 塵蘭燈滅怕粘人香夢堦
 上些跟

和飲光涉園卽事韻

賦得歸來多畏多愁殊損
 情懷只南溪老樹綠延河
 曲東臯怪石青卧荒堆計
 日修垣乘閒施鍾白鳥蒼
 榆遠岍迴也不過是傍山
 茅舍看月涼臺一觴一咏
 安排便掘筍烹葵好自裁
 笑牛蝸戴屋經營徒苦蟻
 封成壘意氣新開止棘蠅
 飛空梁鷺立曾到大槐宮
 裏來從今後但碧梧翠柏
 着意須栽

又

邛友何人李白劉伶不厭
 徘徊見游魚晝唼紅藻依
 岍棲鳥夜叫皓月盈階周
 易編成離騷讀罷琥珀光
 浮狂

客來都休道願春風試莽秋雨啣盃恩讐愛憎無猜
問鬪虎爭龍安在哉似平池波浪乍興旋息中庭花艸
欲去仍栽高卧北窗行吟東郭牧唱漁酬日幾迴柴門
掩爲王猷興到夜半重開

春暮

春苑花深雨倻風憇登臨意慵怪音疎青鳥縈牽情緒
香銷金獸瘦減光容緩引瑤樽偷彈粉淚夢到天涯雲
樹重珠簾外漸槐陰罨路柳絮颺空東窗日影瞳矓
應感損粧樓雙黛峰正燕泥啣處催成新綠鶯簧聽罷
啼破殘紅翠幕淒清芸香狼籍陌上秋胡還未逢凭欄
久嘆年時去路芳艸無窮

新都使院爲楊升菴別業庭前玉蘭二株花時綠
葉掩映可愛蜀地葉多經冬不凋

蜀國才人弓冶相傳似雄更奇只臨軒制策從容條對
大廷議禮痛哭傷時醉後簪花愁來染翰萬里飄零憶
鳳池難忘處是深閨錦字別墅芳蕤而今綠野荒堦
空留得庭前玉蘂枝似風迴舞袖翠攏玉腕香凝霧縠
碧襯瓊卮彼美人兮色絲黃絹千古長留絕妙詞類過

此待招魂花下以酒澆之

壽柯太母七十

誰似夫人長年朱紫翠釧金蟬想莊容麗服補陀巖主
茹花行藥東海神仙正月春王人間五福朗誦琅函貝
葉篇高堂上看舊來霞帔對鏡重妍天恩家慶相連
恰銀燭星毬在眼前况驪珠照乘華嵩齊祝蘭芽遶砌
仁壽雙全白簡含霜青蒲映日司立還旌有母賢烏衣
巷羨扶疎玉樹麻種藍田

賀新郎

春情

鷺到垂楊院望平橋春波漾綠花紅一線倚徒闌千愁
幾縷將往事思量徧筭韶華平過將半妙舞清歌銷歇
久撥檀槽却作聲聲顫立多時吹銀燭菱鑑塵封青
玉案只相看拋殘脂粉剩釵零釧總是章臺人去後萬
種情懷誰慣又道是他鄉孤另憔悴容光伊怕見料夢
時早覲粧樓面能解語梁間燕
和史遠公見贈原韻
久識君行卷吐明虹竒情麗藻鄒枚平遣魚服神龍戲

復壁遜國淚痕猶泫紀遺事光留緬繭史之先世為奕

葉文孫連鵲起看驚才絕艷名非淺翾鳳羽垂天展

經師人表逢時顯早扶輪起衰韓柳救時華扁千里相

思楓落句願附雲間鷄犬交臂失於今河兔樽馬論文

明月夜且從容揮塵俱謨典更漏永燭須剪人志如海

同遠公集曹顧菴世玉堂談及敘馬之變蜀婦被

掠有不願歸故夫者遠公成一闕依韻率和世想

看碧蕉心卷遇良朋談今論古聞愁都遣趣取新涼秋

霽後露滴荷珠初泫叢桂下蟲衣成繭北海南皮悲往

事儘焚枯酌醴興非淺持酒政快須展 夜長燭短螢

微顯歎滄桑烟花世界水深石扁蜀女從軍忘故劍便

逐新豐鷄犬白頭恨茂陵可免飛絮天桃多薄倖望太

平敷教肅朝典偕老夢并刀剪

訪豐臺芍藥中路小憇祖園頗有池荷岍柳之勝

曉起尋春去出南郊輕雲暖日萬花深處流水小橋雙

鷺浴恍行到吳江路更榆柳做成烟渡多暇清時消客

恨見聯鑣飛蓋群賢赴芳草遠惜春暮 千紅萬紫紛

無數似新粧妖艷娉婷倩留春任喜近蓬萊天上也遲

日軟風香雨酒醒時
娉娉芳樹直待重陽黃菊綻便登
龍戲馬期難誤人別後花勤護

豐臺藝菊最繁

同朱鶴門程焦鹿集劉公馭齋中有三女郎在座
金馬浮沉日正春遲秋爽佳辰放懷醇酒膝席望塵情
意嬾尋傍碧鈿茜袖又何事黃金繫肘送客留髡紅玉
軟儘簪遺纓絕銷魂候掌上舞風前柳不如意事常
八九但傳杯燕姬越艷銀燈如晝鶯轉一枝花霧裏四
座無聲月悄且滿斟玉斝爲壽寶鴨烟沉三女粲漸東
方旣白明朝又君休矣牛馬走

摸魚兒

自閩中將還成都送官雪湄歸龍安伍菊偶歸順
慶

錦屏南送君江滸是匹馬丹楓路長亭落日將歸意臨
水登山堪賦頻凝佇又况是東西南北荒城住一聲道
去似梁燕辭巢殘紅戀葉巫峽黃昏雨蕭條也後夜
柳邊孤驛栖鴉衰荻無數芙蓉城外花如繡剩得蒼烟
白鷺君莫顧君不見穹碑禹穴前人句海棠川渡待整
頓巖疆春畊勸遍牧笛銷鉦鼓

送春

入春來鷓鴣聲住還聽杜鵑啼去西園初見梨花雪早
又落紅辭樹更莫問是艷陽漸次烘染胭脂露珠簾細
雨惹繡閣芳心幾重離恨梁燕會能語閒桃李總被
流鶯耽誤朱顏自古難鑄明妃空抱琵琶怨私誓三生
誰顧應記取便舞扇歌茵聚散同飛絮殘英無數兀自
負癡情倩蜂央蝶繞斷春歸路

鳳歸雲

漫吟

行悟矣往日浮沉真同嬉戲天路馳驅自許澄清不狂
不狷誰軒誰輕剩孤懷只冷擲泉刀辣留薑桂看少年
作惡淮陰市一任我向鴻冥他修蟻壘還誓墓今日
爲始攤開青史且懺悔大士慈悲園客逍遙寤言獨窹
蕭然出世當時記得鼙鼓雄心櫻桃好夢到方纔拚却
都堪鄙筭來餘地常多津頭山觜

送征衣

本意

憶離觴柳眉暈綠桃臉凝紅馬上初試春衣金風動草

萋萋相憐苦寒處深愁蛾斂短歎蛩知拈紈素千絲萬
縷連夜織落支機量腰圍寬窄何如燈炮剪刀遲 斜
斷流黃幾尺更漏淺雁群飛傷懷秋來思繭霜到辭絺
胸前縫却月君心肯照早卜歸期又何須迴文錦字薰
百和手封題判今宵芳情一線夢遶遠西

金明池

金魚池春遊

細柳微黃新蒲漾綠幾點金鱗出水春晝永香車爭路
正窈窕風流難擬墜金鞭檀郎輕薄早玉珮玎璫芳塵

颺起又古寺燒香蓮臺稽首私祝佳期如咫 怎得朱
顏常若此怕舞絮游絲年華靡恃題錦字鮫綃餘碧誓
鈿合鸞釵虛紫聽流鶯啼過芳郊奈白雪多愁紅兒空
喜便午夜吹簫滿街明月夢斷江南羅綺

夏雲峰

第二體

夏雨送客用僧仲殊傷春韻

梅雨繽紛槐陰搖曳竹影輕颺微暈池塘外菱荷紅滴
窓櫺畔芭蕉綠嫩沒來由一部蛙聲早訴出心頭淺悲
深恨况送客亭臯和烟折柳恠道橋名情盡 別後懷

人應瘦損又幌帶簾衣鳴蟬偏近縱橫術徒矜國語荒
唐說空傳天問世間事鑠石流金便兩腋風生玉清難
信只沉李浮瓜調笙拈管聊遣此時幽悶

白苧

閨情

絳蠟殘又擁出半輪明月隣簫街鼓將一床香夢奪裊
楊枝畫簾影動東風活金管暖春纖寫離情地長天濶
換羽移宮流水高山欲咽早安排斷腸午夜寒時節
淒切樵樓更點漸近鷄聲偏響丁當簷鐵却兩點星眸

雨漣波折澆愁唯酒奈愁多難醉金爐空爇悵望湔裙
路東城舊約閒拋撇枕上鴛鴦何事無離別

秋思耗

西湖秋感

風雨西陵夕正聽得蕭寺高樓玉笛石甌雲遮桐廬夢
杳綺羅香寂何處認前朝數南北雙高松柏攢落葉傷
心客訪昔日遊蹤故人不見惟有閒鷗幽鷺如曾相識
望極把闌干拍試尋取白蘇陳迹錢王城郭趙家宮
殿一時狼籍竺嶺自飛來山河轉盼同殘奕靈隱梵寮

金碧吳越已千年漫道江濤八月留得鷗足秋色

引駕行

仲秋入楚先寄及門諸子

白蘋洲上黃鶴山頭西赤壁是周郎破曹處山川常記
雄圖吾徒登高授簡吟詩問字漢口渡清歌妙舞朱簾
白舫緩酌屠蘇烏烏請先生揮麈品題高下落璣珠剛
記得春風別去秋雨泛吳趨紆徐金風桂子曾期挾
策公車想當場奪錦楚材連茹名冠賢書歌呼便伏龍
雛鳳贏得空群一目無弋人休慕也我只是著論潛夫

十二時

寄懷錢爾斐谿

片帆遙指蒹葭渡吳楚迢迢千里憶衡泌洋洋清泚恰
皓月來蓬底玉霍松筠吟安几研屋側漁舫艤年少日
菊圃蘭亭授簡飛觴長記山頭溪觜更羨君風高角
綺媿我出山泉水楊柳千絲梅花百樹於世何求矣一
身留萬卷天公問他夢裏聽不慣秋聲荻葦兼欸乃
搖芳泚谿默伊人放懷吟嘯夕照烟波起蚤賦歸歟也

東臯洗余雙耳

谿默爾斐別墅玉霍吟安天夢
洗耳皆谿默亭閣軒榭名也

東蘭陵王

夜至潼川與署州守蓬溪令梁吉人話舊
山徑曲山外寒烟斷續新州道千里荆榛零棧荒城走
麋鹿栖鴉尋樹宿官驛飛來蝙蝠望燈火車騎戒塗恰
道蛩音慰空谷如歸館新屋正人飽羸糧馬剩餘藉
虎伺深更驚撲逐說鞀鼓聲減桑麻風盛廿年兵燹今
方穀使君勸耕讀民牧憑誰告恐一家成歡一路聞
哭躊躇風俗回刀犢佇敷績三載壠稠種稔只西川廣
漢治狀循良獨

大酺

京師春日
帝里繁華時代好閶闔非烟非霧金溝連夜漲見芳林
如沐泉通南浦茸綠湘裙杏黃衫子來往香車並駐有
吉士雕鞍美人金縷風流薄妬便秋千拂水珠輪隨雨
新粧惹絮星眸頻暗覷堪憐是花市喧簫鼓寧知道
鶯嬌燕姁舞妙歌妍韶華一霎春將去春去幾時來向
遊冶問春歸處只煩惱真無據東風相識又道豐臺紅
藥爛熳催人好句

瑞龍吟

相逢處猶憶綺席情傳繡簾目語髣髴雲雨巫陽宋玉
幽夢高唐初賦報更佳會秉燭尋遊良夜鴻書難誤憐
他澁粉羞紅怎生忘却西樓芳緒密訴深盟未久燕
山楚水別懷幾縷似海侯門雕籠恨煞鸚鵡歌茵舞扇
腸斷零簫鼓那知道渭橋盡轂潯江絃索一再成良遇
司空見慣何嫌問惹起愁無數竟銷也臨去秋波還注
蠟香人散霑衣白露

浪淘沙慢

楊州懷古

雷塘路雲低細柳烟繞罩葛芳甸輪蹄影截巖城羅綺
香發問瓊花芍葢曾消歇愁不了隋苑鳴鳩照千古風
流佛狸塚玉鉤斜上月嗚咽往時浪鎖橫鐵只水打
金焦江潮汐日夜音凄切歎南渡君臣謀畫空設廬陵
熱血泣誓師丞相軍孤援絕跋扈諸將灰飛滅中興勳
舊誰在列蔣陵側長松青一抹何須弔結綺臨春只載
酒平山十里荷香接

西平樂

同朱鶴門程焦鹿豐臺訪菊
 露滴疎桐烟迷衰草一片落木清笳十畝寒花冒霜呈
 艷姚黃魏紫難誇况蟋蟀吟堦似語楊柳迎人欲瘦涼
 宵砧杵傳聲畫樓月轉窓紗幸有東籬芳菊當此日携
 酒興非賒丹楓南浦白蘋北渚漸近重陽爛熳奇葩
 招尋得二三印友采葉食英暫傍舞闌西子睡起楊妃
 綽約臨風張麗華迴憶春光牡丹初放芍藥纔開何似
 今朝竹塢松扉柴桑處士人家

西施楊妃
皆菊名

玉女搖仙佩

紀事

良辰好景年少韶光夢裏繁華堪憶六郡良家三春香
 粉漫道麗人南國陌上羅敷跡歎滄桑一代紅顏輕擲
 党太尉羊羔美酒低唱淺斟富貴何極那知便分飛窄
 袖戎裝城隅重覲聽說使君鄉里問訊停輪惆悵相
 逢疇昔綺席歌殘蘭堂舞罷花落鶯啼非隔絳蠟重燃
 夕奈司空見慣閒拋駒隙悔不如江臯解佩陽臺薦枕
 定今生策深憐惜書生薄命同狼籍

多麗

春情

養花天桃谿柳陌暄妍漸春慵嬌紅昵碧含顰無語情
牽盡蛾眉影移菱鑑整蟬髻粉淺金鈿似花似雪爲雨
爲雲雙鴛微露得人憐佯羞迴扇流鶯語故故近堂前
垂銀蒜芳心搖曳明月團圓那知道離鴻去燕空隨
舞絮縈旋倚闌干玉簫清夜寒翠幕錦瑟華年露洗梅
梢烟凝桐葉早來寒食聽啼鵲縱留得殘英幾樹南浦
已飛綿黃昏後乍難成夢酒趁哀絃

冬景

客心驚同雲漠漠寒垆漸霜風碧天萬里瓊瑤一夜飄
零裊虬烟粉城香國數馬跡雁塞龍庭橙橘分甘綺羅
停繡梅花笛裏逗新聲望江渚釣翁蓑笠如畫點山青
思量着王郎雪棹無限深情憶當年浮醪圍紅雙鬢
促坐調笙按檀板徵歌舊院評詩價貰酒旗亭麝沉鴛
被月冷鸞簫溫柔好夢喚卿卿都拋却英雄兒女到底
渙春冰誰堪侶爛柯樵客塵塵高僧臘雪高齋
個儂

青樓怨

數春光九十驚社燕清明風色飛絮飄紅高樓橫玉笛
平蕪烟織見踏青挑菜尋芳拾翠抱新愁無力闌干倚
處雲凝碧折柳河橋遺鞭繡甸臨別一聲將息獨垂簾
顧影月到窓榻憂思易積似信濤潮汐夜雨西園恨
波添尺那時高會詞客便絕纓墜珥香鈿狼籍轉迴廊
淺憐深惜今日裏釵蟬鬢歎忍再過渭橋驛醉醇醪玉
卮空擲憑好夢又被流鶯妬醒來更覓里

六州歌頭

拜岳武穆墓

徽欽北狩南渡想中興招豪傑驅貔虎振軍聲奮先登
鵬舉英雄慷慨誓師表回天力渡河北清江漢樹鴻名
痛飲黃龍壯志壺漿父老競逢迎看旌旗如岳兀木已
竟驚鐘鼎神京再承平痛中朝賊定和議東窓計壞
長城悲五國哀九廟電掃雷轟十二金牌憤精忠字付
青蠅南枝檜千古泣銀瓶盡說瑯戈鐵馬風雨夜鼓響
鉦鳴况祠隣少保靈爽並如生光燭辰星

小諾臯

秋怨

虹影侵堦烟光繞箔露冷疎桐庭館正林臯木葉翻飛
長安音遠憑眺無邊碧草斜日清砧風晚送餘音還共
秦箏絲緩換羽移宮偷聲減字便亂來荻花楓葉那怕
愁人腸斷難拚處秋容變眉角雙攢芳心一點想起
杏籠紅煥只見得書杳銀鈎珠垂玉筋暗卸年華已半
菊蕊東籬初綻把酒聽孤雁啼雲邀伴被羨雙鷓琴羞
獨鵲問多情宋玉新詞冷落悲懷未慣憔悴色遲伊見

寶鼎現

春日卽事

雛鶯乳燕影接何處高樓橫笛漫尋遊碧溪桃李漾青
帘酒家曾識東風裏綠陰榆柳市搖曳蕩春一色遠望
見秋千院落驀聽歌聲停拍村鉦社鼓祈年事記太
平繁華堪憶競報賽梨園子弟繒榭綾臺誇百尺人縹
緲珠鈿併翠鳥細雨繽紛薌澤有誰念蜂黃蝶粉看煞
旗亭詞客萬里蓬山怎消得沙痕鴛跡漸斜陽芳草
連天紅墻欲隔憑好夢暗隨湘水拚受他憐惜却因恁
惱亂愁腸臨去行雲標格

江南春日多築臺演
劇賽神士女聚觀

怨朱絃

秋旅

泛清江畫槳扁舟一水東
注大火西流露柳蕭疎霜蒹
淡蕩金風蘋末初收紗窓
明月雀聲蟲語淒淒瑟瑟
啾啾只珮留湘浦雲曳高
唐夢斷紅樓佳景桂子鄉
山愁緒芳蘭澤畔此恨從
頭到午夜叫雲寒雁又向
蘆洲笑人生少樂多憂青
蠅止棘白鳳凌秋腐史牢
騷靈均孤憤屢矚吳鈎蝟
音如沸蟻戰無休說道滿
籬黃菊早相勸歸去來今
狎鷺盟鷗望盡千林碧雨
猛記雙峰赤

葉以外何求且一任泉刀
意氣呼馬呼牛

三臺

寄懷京邑遊好

憶當年携手燕市曠朗襟
期如此賡栢梁佳句壓西
京賦羽獵唯雄文似論今
日使君與操耳碌碌誰能
數餘子尋芳日謝墅習池
銷蒐處西園北里笑同時
浮沉金馬乞米長安情味
看公等百尺卧高樓將我
中間位置風流雲散後玉
河水都半是離人清淚含
香署銀管金蓮馳傳客荒
郵蕭寺况蝸頭逐利未了
蟻穴爭雄方

始問披裘五月是何人請相從赤松攝履指萬壑千峰
 歸老矣傀儡場半生空寄數車筮寸心斗酒十年來幾
 回悲喜
 拋毬樂

荆州元夕

古荆州稱雄麗三楚門戶錫親藩分去旅矢剪來桐葉
 兀然茅土想往日令節良辰逞百戲魚龍飛舞說道綵
 岫鰲峰桂炬星球珠轂填香路更不夜城中金吾弛禁
 脂天粉地目招心與奈世事滄桑幾歲白馬青巾嘯聚

歎江山如此霜露蒼涼祇聞杜宇 今夕韶艷東風兒

童奔走碎鉦零鼓試羅衫携翠袖年少清揚姿度依稀

漏永倩服玉人三五雌雄撲朔采茶歌去髣髴神女凌

烟霧瀟湘孤客坐清宵催起新愁似縷筭三國雄才爭

地利興滅還無據况出塞裙釵琵琶怨語 楚俗元夕
變童女裝

連臂唱 昭君荆
采茶歌人產也

哨遍

花燭詞

宜室吟桃迨吉筮梅百兩將迎矣紅纏引良日正于歸

看爛其盈門羅綺水既半采雁和鳴先路瓊枝玉樹花
 月底便盛飾山河光容天帝夙世安排如此又鳳簫鸞
 管好催裝移屣忽心上且消停計較而今別母情懷隨
 郎滋味 羨佳人窈窕青鳥當年可誰使玉珮響玎璫
 裊垂楊腰支似恰瑞氣初開笙歌齊發香雲香雨高唐
 背道一對鴛鴦成雙天付並浴芙蓉浪裏况盟山誓海
 同魚水祝五男二女早團圓莫辜負畫樓歡意仙源知
 在何處總有無限風流嬉笑尹姝難分娣姒問名傳語
 向銷寬見面燈前却都已

戚氏

正月初八日出荊州郊外過太暉觀登閣遠眺一
 往蒼涼羽流述賊氛焚掠時事頗悉入城訪蜀舊
 帥姚守易寓舍有妓名香雪者在座用柳七秋夜

韻紀之

早春天東風徐動煥亭軒村落人家荒郊寺觀起清烟
 蒼然古荆關飛鴻幾點白雲間當時雄藩壯麗十萬戶
 阨塞江山城郭如故繁華非昔愁聽夜雨潺湲只譙樓
 畫角茅簷斷鼓取次聲喧 高利綴飾新年焚香燒燭

傑閣俯朱闌走芳甸桃符童稚綵勝嬋娟思纏綿望遠
 對景羈懷久客百感風前騷懷屈子賦心宋玉也經此
 地俄延意氣將軍好飄零逆旅覓醉尋歡况有鶯嬌
 燕妬顧青眸一笑便留連別來蜀國鴟絲漳河玉笛迢
 迢情無限念舊遊朋好多縈絆拋駒隙難鑄紅顏蓮漏
 頻漸送春寒目平楚憶故苑梅殘無慘自遣清狂阮籍
 傍酒鑪眠

鶯啼序

與客談江南春事

臘破春迴漸薄煥西山雪曉青幡颺栢酒椒觴釵頭新
 勝微裊蘭蕙吹芬罨畫淺萼梅飛瓣鄧尉早便桂炬蓮
 燈風柔夜永人悄弱柳纖腰天桃媚臉挑菜鴛蹤小
 漸東臯嫩綠深紅障泥油壁多少泛輕橈白舫朱簾織
 平蕪粘天碧草太平時鄉里齊眉更無煩惱暮春上
 已修禊前賢遺跡有茅亭曲沼正芍藥初肥竹粉旋脫
 薔薇欲笑叉手吟成爛柯奕倦却携舞袖樽前倒見隔
 岼垂楊鶯聲巧秋千架底榆錢落盡還飛謹謝客無相
 攬深情行樂秦箏低按絃曲翔林杪况是珠鈿翠蓋

玉笛金簫清音山水斜陽偏好年華移換閒愁何益盡
 堂簾外堆花片護殘紅莫放春光老漫道百五韶芳勝
 踐佳辰須留鴻爪

五洲前寶殿樓前紫雲曲翠玉兩葉翠珠前似珠

平蕪林天綠草太平湖綠望遠風更舞賦游紅暮春上

滿東皇嫩綠翠玉刺我由望遠少艾舞舞白蕪未幾

微風柔草亦入前綠林綠舞六林散劍林菜豨蠟小

初舞舞蘭蕙心衣翠書史事舞舞舞舞舞舞舞舞舞

舞舞舞舞舞舞舞舞舞舞舞舞舞舞舞舞舞舞舞舞舞



